



**Appellation Instrumenta, an die Ro?mische Keyserliche, auch  
zu Hungern und Bo?heim Ko?nigliche Mayestat, an  
Churfu?rsten, Fu?rsten und gesampfte Sta?nde des Reichs,  
der Ehrwu?rdigen und Wolgebornen Herrn Georgen von Sein  
... von einem keyserlichen per sub t. ob reptionem, und auff  
bo?sen Bericht außbrachten Mandato, so an das Mu?nster in  
der Statt Strass?burg, ohne Vorwissen eines ersamen Rhats,  
angeschlagen worden**

<https://hdl.handle.net/1874/402973>

**Appellation Instrumenta** / An die Römische Keyserliche / auch zu Hungern vnd Böhheim Königliche Mayestat / an Churfürsten / Fürsten vnd gesampre Stände des Reichs.

Der Ehrwürdigen vnd Volgebornē Herrn / Georgen von Sein / Graffen zu Wittigenstein / Herrn zu Homburg / Thumbprobste zu Cölln / jetziger zeit Dechanats Statthalters / der hochenstifts Strassburg / zc. Herrn Herman Adolffen Graffen zu Solms / Herrn zu Münsenberg vnd Sonnenwald / zc. Herrn Johansen Freyherrn zu Winnenberg vnd Benhelstein / zc. Vnd Herrn Ernsien / Graffen vnd Herrn zu Manssfeld / zc. der Erz vnd Zoher Stifter Cölln / Erter / Würzburg vnd Strassburg / respectiue Thumherm / zc. Von einem Keyserlichen per sub t. ob reptionem / vnd auff bösen bericht außbrachten Mandato so an das Münster in der Statt Strassburg / ohne vorwissen eines Ersamen Rhats / angeschlagen worden.

**Sampft angehencktem bericht** / wie solche Appellation Instrumenta dem Erzbischoffen vnd Churfürsten zu Meins / als des Reichs per Germaniam, Erzcanzlern / vnd folgendes der Churfürstlichen Pfaltz Administratori vnd Tutori ; durch einen Keyserlichen Notarium ist Insinuirt worden / darbey denn am ende das vbel außbrachte Mandat / als auch obgenandter vier Graffen / vnd Herrn. Verantwortung / vnd entschuldigungschreiben / an hohstermette Key. May. zu befinden ist.

M. D.



LXXXV.

Handwritten text in a Gothic script, likely a title or header, appearing as a mirror image bleed-through from the reverse side of the page.

Handwritten text in a Gothic script, appearing as a mirror image bleed-through from the reverse side of the page.

Handwritten text in a Gothic script, appearing as a mirror image bleed-through from the reverse side of the page.



Schriften so zu folgenden Plectern  
zu befinden.

N V M E R O I.

**I** NSTRUMENTVM APPELLATIONIS  
des Ehrwürdigen/Wolgeborenen Herrn/Herman Adolffen Graffen zu  
Solms/Herrn zu Münsenberg/vnd Sonnenwald/der Erzh vnnd Hohen  
Stifter/Cölln/Würzburg vnd Straßburg Thumbherms.

N V M E R O II.

Instrumentum Appellationis, des Ehrwürdigen/Wolgebore-  
nen Herrn/ Johansen Freyherrn zu Wünnenberg vnnd Beyhelstein/  
Thumbherms der Erzh/vnd Hohen Stifter Cölln/Trier vnnd Straß-  
burg/ze.

N V M E R O III.

Instrumentum Appellationis, des Ehrwürdigen vnd Wol-  
geborenen Herrn Ersten Graffen vnd Herrn zu Mansfeld/der Erzh vnd  
hohen Stifter Cölln vnd Straßburg Thumbherms.

N V M E R O IIII.

Instrumentum Appellationis, so im namen des Ehrwürdi-  
gen/Wolgeborenen Herrn Georgen von Sein/Graffen zu Wittigenstein/  
Herrn zu Homburg Thumbprobsts des Erzhstifts Cölln / vnnd zu Trier/  
vnd Straßburg Thumbherrn/durch obgedachte Graffen vnd Herrn/von  
Solms/Wünnenberg vnd Mansfeld/krafft habenden gewalts / coram  
Notario vnd Zeugen beschehen/ze.

## N V M E R O V.

Expedition instrumentum, was gestalt dem Hochwürdigsten Fürsten vnd Herrn / Herrn Wolfgangen Erzbischoffen zu Meins/vnnd Churfürsten/als des heyligen Römischen Reichs durch Germanien Erscanslern/so den auch dem Durchleuchtigsten/Hochgebornen Fürsten vnd Herrn/Herrn Johann Casimiren Pfalzgraffen bey Rhein / Herzog inn Bayern/ze. Als der Churfürstlichen Pfalz Administratori, vnd Vormünder/ze. Die vier vnderschiedene obgemelter Graffen vnd Herren von Wittigenstein/Solms/Winnenberg vnd Mansfeld/ze. Durch Leonhart Seizen/einen offenbaren geschwornen Keyserlichen/vnd am Cammergericht zu Speyr Immatriculierten Notarium vnd Burgern zu Straßburg/ist verkündet vnd Insinuirt worden/ze.

## N V M F R O VI.

Copia eins Keyserlichen Mandati/so wider die vier Euangelische Religions verwanthe Capitulares Hoherstifti Straßburg die Graffen vnnd Herrn/von Wittigenstein/Solms/Winnenberg vnnd Mansfeld/sub t. obreptie außbracht/daruon gedachte vier Graffen vnnd Herrn/an die Römische Key. May. ad eandem melius informandam an Churfürsten/Fürsten vnd sampte Stände des Reichs Appellieret/ze.

## N V M E R O VII.

Verantwortung vnd entschuldigungs Schreiben an die Römische Keyserliche/auch zu Hungern vnd Böhheim/Königliche Mayestat. Im namen der vier Euangelischen Religions verwandten Capitularen Hoher Stifte Straßburg/Wittigenstein/Solms/Winnenberg vnd Mansfeld abgangen de dato den dritten Octobris/ze. Stylo antiquo. 1585.

## I N S T R U M E N T V M A D P E L L A T I O N I S .

Des Ehrwürdigen/ Wolgebornē Herrn  
Herman Adolff Graff zu Solms/ Herz zu Min-  
senberg vnd Sonnenwald/der Erzh vnd Hoher Stuffer Col-  
len/Wirzburg/ vnd Straßburg Chumbherms/ze.



**N** dem namen der Heyligen vnt-  
theilbaren Dreyfaltigkeit vnd einigē Gott-  
heit Amen. Zu wissen oder kundt gethon seie  
aller meniglichem durch diß gegenwertig  
offen Instrument. Das inn dem Jar von  
der Gnadenreichen Geburt Ihesu Christi/  
vnser lieben Herrn/ einigen Erlösers vnd  
waren Heylands/ Tausent fünff hundert / achtzig vnd fünff ge-  
zahlt. In der dreyzehenden Römer Zinszahl / zu Latein Indictio  
genandt. Bey Herrschung des Allerdurchleuchtigsten / Groß-  
mächtigsten / vnd Vnüberwindlichsten / Fürsten vnd Herrn/  
Herrn Rudolphi Secundi, erwölten Römische Keyfers zu allen  
zeiten. Mehrern des Reichs inn Germanien/ zu Hungern/ Böh-  
heim/ Dalmatien/ Croatien vnd Sclauonien/ze. Königs/ Erzh-  
herzogs zu Oestereich/ Herzogē zu Burgundi/ Steur/ Kerndtē/  
Erain vñ Wirteberg/ze. Graffens zu Tyrol vnser Allergnädig-  
sten Herrns/irer Keyserliche Mayestat Regierung des Römische  
Reichs vnd Keyserthumbs im zehenden/ des Hungersische König-  
reichs im dreyzehenden/ vnd des Böhemischen auch inn den zehen  
Jaren. Auff Sambstag den ein vnd dreissigsten vnd leysten Mo-  
nats Julij/ als bald zu fünff vñ gegen abend/ zu Straßburg/ in  
des H. Römischen Reichs Freystatt/ daselbsten inn dem Bruders-  
hof/ vnd desselben gewontlichen vnd ordentlichen Capitelstuben/ der  
Wolgeborn Herz/ Herr Hermā Adolph Graffe zu Solms/ Herz  
zu Minsenberg vnd Sonnenwald/ mein gnädiger Herz/ vor mir  
Notario / vnd den glaubwürdigen zu ende bestimpten Zeugen er-  
schinen/ vnd mir durch seiner Gnaden Rhat den Ehrnuesten vnd

Wolgelehrten Johann Weyssen ein Papyrnen Appellation Zedel behändiggen lassen / darbey mündlich fürbringend / wie ihre Gnaden in glaubwürdige erfahrung kommen/ das wider sie von etlichen ihren widerwertigen Mitcapitularen Päßstlicher Religion/ durch erdicht fürgeben / bey der Römischen Keyserlichen Mayestat / vnserm Allergnädigsten Herrn ein Mandat außgebracht worden / deswegen dieselbe ihre Gnaden hochtringender vnd erheischender Ehrennotturfft nach à Casarea Maiestate malè informata, ad eandem melius informandam: ad sacri Romani Imperij Electores Principes, Comites & reliquos ordines omni meliori modo ac via zu Prouocieren vnnnd zu Appellieren vorhabens/ mit gnädigem begern solchen Appellation Zedel den Gezeugen vorzulesen/ zu Instrumentieren/ dem Hochwürdigsten Fürsten vnd Herrn/ Herrn Wolffgang erwöltem vñ bestetigtem zu Erzbischoffen zu Meins/ als des heyligen Römischen Reichs/ durch Germanien Erzsanslern vnd Churfürsten/ vnd dann dem Durchleuchtigsten vnnnd Hochgebornen Fürsten vnd Herrn/ Herrn Johann Casimir Pfalzgraffen bey Rhein/ der Churfürstlichen Pfalz Administratori & Tutori beiden vnsern Gnädigsten Chur: Fürsten vnd Herrn Insinuiieren/ auch ihren Gnaden ein oder mehr Instrumenta / inn glaubwürdiger form vmb die gebür zuuersertigen vnd mitzutheilen / dessen begers ich mich auß aller hand vrsachen (sonderlichen aber das mit viel andere Ampts-geschefte obligen) zuerlassen / vnderthenig vnd höchstes fleiß gebetten/ wolerwelter mein gnädiger Herr von Solms aber mich meiner Pflicht vnnnd Eynd bey auffnemmung meines Notariat Ampts Höchstgedachter Keyserlichen Mayestat/ vnd des heyligen Römischen Reichs gemeinen Ständen geleistet/ ernstlich/ ernstlicher/ vnnnd aller ernstlichest erinneren/ auch mit Gold vnd Silber subarrieren lassen. Also das ich mich fernner vnd weiters nit verwidern / sondern in mehr angeregt vnnnd vorgehendes gnädiges Requirieren/ Amptshalben willigen sollen vñ müssen/ vñ lautet der mir vberreichte Appellation zedel/ den ich vor den nachbestimpten Herrn Zeugen/ mit heller stimme abgelesen/ von allen seinen worten also.

Wir

**W**ir Herman Adolff Graffe zu Solms/ Herz zu Münz<sup>3</sup>  
kenberg vnnnd Sonnenwald/ zu Colln/ Würzburg vnd  
Straßburg Thumbherz/ auch jetziger zeit/ dern herbrin-  
gen nach Decanats Statthalter allhie/ können vor euch Notas-  
rio/ vnd den hierzu in sonderheit beruffenen Gezeugen fürzubrin-  
gen nicht vmbgehn/ das nächst verschinen Sambstags/ den vier-  
vnnnd zwensigsten dieses ablauffenden Monats Julij/ vns glaub-  
vnd warhafftig angelant/ das einer auß vnsern widerigen Mit-  
capitularn/ benandtelichen Graff Arnolt von Manderscheid/ auß  
ohne zweiffel des Bischoffen zu Straßburg seines Bruders vnnnd  
anderer irer Adherentē anstiftung/ etliche gleiches inhalts Key-  
serliche beuelch/ den gleich vorgehenden Frentag allhero gebracht/  
an etlichen vnderchiedlichen orten spargieren lassen/ auch bemel-  
ten Sambstags deren einen/ einem Ersamen vnd Weisen Rhat/  
diser des Heyligen Reichs Freyen Statt Straßburg/ durch Do-  
ctor Wilhelm Keysern/ vnd Licentiat Johann Küstelin fürbrin-  
gen/ vnd einen andern / an eine des allhieigen Münsters Thür/  
(an welche doch sonsten Keyserliche beuelch/ oder anders dergleis-  
chen niemals angeschlagen worden / eigens willens / vnnnd dieser  
Statt Obrigkeit vnersuche) anpappen lassen/ auß welchem Key-  
serlichen præcepto, wir außtrucklich vnd klärlich vernommen/ das  
berhärte vnserere Gegenpart/ der Bischoff zu Straßburg vnd etli-  
che Päbstliche Mitcapitularn / dieses Straßburgischen hohen  
Thumbstifts/ vns vnd vnserere Mituerwandte hinderrucks zum  
höchsten verleumbdet/ das herkommen / vnnnd gelegenheit dieses  
Stifts/ höchst gedachter Key. May. vnserm Allernädigsten  
Herrn verschwigen / hingegen aber viel vnersündliches vnnnd er-  
dichtes fürzugeben nicht abschuehen getragen/ vnd also Conse-  
quenter per sub, & obreptionem; per narrationem falsi, &  
suppressionē veri angeregte Keyserlichen beuelch vbel außbracht  
haben/ der aber auff anders nichts/ dan auff des Römische Stuls  
Excomunicatiō (welche doch wider Fürste/ Graffen od Herrn  
dieses Stifts/ ja auch wid geringern Standtspersonē/ der Euang-  
gelischen Religion dises orts/ in zehen/ zwensig/ dreissig/ vierzig/



4  
ja fünffsig Jaren/niemals statt oder platz funden) fundiert vnnnd  
begründet werden will/ durch welche Keyserliche befehl dan/ wir  
vnd vnser Mituerwandte/ die Ehrwürdigen vnnnd Wolgeborne  
Georg von Sein Graffe zu Witgenstein / Thumbprobst vnnnd  
Thumbherr zu Cölln/ Trier vnd Strassburg/ vnd Johan Fren-  
herr zu Winnenberg / auch Thumbherr zu Cölln/ Trier vnnnd  
Strassburg/ ja auch Ernst Graff vñ Herz zu Mansfeld Thum-  
herr zu Cölln vnd Strassburg (welcher doch noch niemals in spe-  
cie excommuniciert) dem alten herkommen zuwider vnüberwis-  
sen/vncitirt vñ vnuerhört/zum aller höchstē grauirt/beschwerdt/  
ja ganz vnd gar/von diesem Stiffe vnnnd vnserer wol herbrachter  
Possession vnd gerechtigkeit verstorren werden wollen/vnnnd dar-  
auß kein andere Consequenz erfolgen würde / dann wañ in vnserm  
als vngesähliche den geringern Personen/solcher Römische Pro-  
cess vnd Bann widerumb zu kräftien kosten solte / Nachgehends  
auch alle andere des Heiligen Reichs Euangelische Christliche  
Stände beschwerdt/angriffen/ ja vndertruckte zu werden/ in sorgē  
stehn müßten/wiewol nun vns (die wir doch in loco vnnnd bey der  
hand gewesen) dergleichen nichts Insinuiert worden/vnnnd die ob-  
gemelte verkündigung angeregten Keyserlichen befehls/ von vn-  
sern Gegentheilm selbst eigenthätlichen auch an vngewonliche or-  
ten beschehen/vnd dahero an ihr selbst nichtig/je doch / dieweil auß  
denselben/so viel wir daruon weitloß berichtet / genugsam abzu-  
neimen/das ihr Key. May. vnser Allergnädigster Herr/von obge-  
dachten vnsern Widerigen vnd Fridheßigen / ganz vbel mit vera-  
schwigner warheit/vnd wissentlichem anbrachtem vngrundi In-  
formiert/auch ohne das der Spanñ/welchen vnser Widerige vn-  
nötiger vnd vnzeitiger weiß erweckt/an jm selbstē/für höchstige  
dachte Key. May. vnd gesambte des Heiligen Römischen Reichs  
Stände gehörig/als könden wir nicht vmbgehn/ vns als bald für  
höchstgedachte Key. May. vnd gemeine des H. Römische Reichs  
stände deswegen erlaubter weiß zu Appellieren/vnd zuberuffen.

Erstliche aber erklären vñ bezeugen wir vns/vor Gott vñ Aller-  
meniglichē denen die warheit vnd vnschuld lieb vñ angeneh vñ bei  
welchem

5  
welchen noch Rechte vnd billichheit zu finden ist vnd stat hat/dz mit  
dieser vnser nottringlich fürgenommener Appellation / vnd also auß  
natürlichem Rechten erlaubter defension wir im wenigsten nicht  
gemeint / auch inn vnserer sinn vnnnd gedancken nie kommen / auch  
noch nicht ist. Viel Höchstgedachter Key. May. Hochheit vnd Di-  
gnitet / Ichte was zu Derogieren / oder in einigen weg der gebür zu-  
wider vns zu erweisen / vnd des schuldige gehorsams zu enteuffern /  
sondern allein wie vor angeregt ihr Key. May. anders vnnnd mit  
besserm vnd bestendigerm grund / dann von vnserer Widerparth  
beschehen / aller Vnderthenigst zu Informieren / vnd disen von vns  
fern vnrhüwigen gegentheilen erweckten Span / an seinen gehörig-  
en ordenlichen ort vnd Competentem Iudicem / vnd also für  
vil höchstgedachte Key. May. vnnnd gemeine des heyligen Reichs  
Stände zu ziehen / der vnderthenigsten zu versicht vnnnd hoffnung /  
vil höchstgedachte Key. May. vnd gemeine des heiligen Reichs  
stände / werden vnserer vnrhüwigen gegenparth / dannoch nicht  
so vil zugeben / das wir vnd vnserer Mituerwandte in dem heiligen  
Reich gefessene Graffen vnd Herrn / oder andere desselben / vnnnd  
sonderlichen der Euangelische Religion verwandte Stände / dem  
fridlichen / rhüwigen herbringen zuwider / wegen des Römischen  
Banns / der gestalt de facto sine vlla cause cognitione , vnnnd  
also allen Göttlichen vnnnd Wellichen Rechten / auch der Erbar  
vnd billichheit / vnnnd vnserer vilgeliebten Vatterlands Teutscher  
Nation / liberteten vnd Freyheiten zuwider / nicht vergeweltiget  
oder beschwert / sondern bey ordenlichem Rechte vnd an seinem ge-  
bürlichen ort (darzu wir vns bissher / vilfaltig vnnnd oberflüssig er-  
botten / vnd noch heutigen tags erbieten thun) geschüst beschirmt  
vnd gehandhabt werden.

Hierauff vnd gleichwol mit vorbehalt / in fünffzigem / an sei-  
nem gehörigen ort vnserer beschwerdt ferner der gebür nach anzuh-  
föhren / können wir zuermeiden nicht umbgahn / das bisz daher /  
bey diesem Fürstlichen vnd Gräfflichen Stufft / vor vnd nach auff  
gerichtem Religion Friden / vnd außserhalb der jetzt newlich von vn

ferm Gegentheill vnnöttiger vnd vnrhüwiger weiß / beschefener Molestation vnd Turbation / nit allein der Päßtlichen Religion verwannde Fürste / Graffen vnd Herrn / sondern auch der Euangelischen Religion / oder Augspurgischen Confession zugethane / jederzeit einen zugang zu beneficien Prelaturen / vnnnd derselben zu gehörungen vnd gefällen rhüwiglichen gehabt vnd herbracht / wie nichts minders auch ringern Standspersonen / in etlichen andern Thumbstiffen / im Reich Teutscher Nation / rhüwiglichen herbracht haben / Das auch vnter vielen Fürsten / Graffen vnnnd Herrn / so der Euangelischen Religion verwannde / auff diesem Stiffe / seithero des auffgerichteten Religion fridens gewesen / außserhalb des jetzigen eintrags vnd Päßtlichen eingriffes / kein einziger jemahls Religionis Causa verbannt vnd Excommunicirt worden.

Darauff dann wie auch lang vor auffgerichtete Religion friden / der Ehrwürdig vnd Wolgeborn Herr Sigmund Graff von Hohenloe Gewesener Thumdechand allhie / auch die Ehrwürdig gen vnnnd Wolgebornen Graff Heinrich von Stolberg / Jacob Wild / vnd Rheingraff / vnnnd Graff Philipps von Oberstein / wie auch der Durchleuchtig / Hochgeborne Fürst vn Herr / Herr Reichardt Pfalzgraff bey Rhein / Herkog inn Beyern / v. vnser gnädiger Fürst vnnnd Herr / ja auch vnter vnsern gegentheillen der Graff von Thengen (welcher zwar aller erst nach vilen Jaren abstrinnig / vnd jetzt sui ordinis Persecutor worden ist.) bey diesem Stiffe auffgenommen / zu Capitul / Waalen / Prelaturu (wiewol notorium vnnnd beweislich / das sie der Euangelischen Religion verwannde vnd zugethon gewesen) gezogen vnd gebraucht / vnd in niessung ihrer beneficien vnuerhindert gelassen worden sein / Ja wiewol etliche derselben / als nemlich Graff Heinrich von Stolberg / Rheingraff Jacob / Graff Philipps von Oberstein in Päßtlicher Censur gewesen / seind sie doch dessen vngeachtet ohne einige hindernuß vnd eintrag in diesem Stiffe geduldet vnd auffgenommen /

men/bey des Capitels session vnd niessung irer beneficien aller dings gleich den Päpstlichen gelassen worden/2c. Ja es seind auch ringers Standspersonen / nemlich Meister Matheus Zell der Leyen Priester /vnd Meister Simphorian Pfarrer zu Sance Lorenzen allhie/ vngeachtet sie inn den Bann erkandt gewesen/ dennocht geduldet/vnd den Deputaten des Chors allhie / als sie sich solches Banns behelffen wöllten / Capitulariter ernstlichen beuohlen vñ auffgelegt worden/die Presenz vnd andere ire gefell/ ihnen verfolgen zulassen.

So seind auch nach auffgerichtten Religion fride obernante Fürsten vnd Herrn / so noch im leben gewesen/ vngeachtet sie sich zu der Euangelischen Religion bekandt/bey diesem Stifft Capitel vnd niessung irer gefäll gelassen/ja zu Prelatur erwölet/es seind auch seithero vielmahlen Euangelische Fürsten / Graffen vñnd Herrn in diesem Stifft wissentlich auffgenommen vnd geduldet worden. Als die Wolgebome vnser freuntliche liebe Väterrn Graff Heinrich vñnd Graff Hermann gebrüdere von Sein/ Graff Philipps/ vñnd Graff Ludwig gebrüder von Eisenburg Badingen/ 2c. Hans Günther der vier Graffen des Reichs/ Graff zu Schwarzburg/Graff Wolff/ vñnd Graff Friderich von der Hoya / so seind auch noch ferners jetziger zent auff diesem Stifft wie notorium, vnder der ganzen zahl der vier vñnd zwenzig Thumbhern/zwölff Fürsten vnd Graffen/so der Euangelischen Religion sich bekennen thun / welche alle bisz auff diese von vnsern Gegenseitlen erweckte newerung / ihrer Religion wegen/ vnangefochten vnd bey diesem Stifft geduldet worden seind / vñ kan auch kein einziges Exempel angezogen oder bewisen werden/ das jem ahls ein Euangelischer Fürst oder Graff ( wann er auch gleich inn des Papssts Bann vñnd Censur gewesen ) von diesem Stifft vnd Capitul abgehalten / oder seine beneficien vñnd gefäll/ihm verbotten vnd benommen worden seien.

Es habē auch Beyland Keyser Carolus/ Keyser Ferdinandus vnd Keyser Maximilianus alle höchst vnd miltseligster gedächts

5  
nuß/bey solchem herkommen diß Stifft/vnd desselbe oberante vns  
vnd andere membra rhüwig gelassen/geschützt/geschirmbt vnd  
gehandhabet / vnd hat inn solcher fridlichen zeit diß Fürstlich  
vnd Gräffliche Stifft mehr dann zuvor bey menschen gedencen  
zugenoßnen vnd sich gebessert/vnd seind dises alles nicht sachen/die  
auff blosses fürgeben/wie vnserer Gegentheile hinderrückliche an-  
klagen/berühren thun/sondern etliche des heiligen Reichsstände/  
ja ihrer May. selbsten Rhäte/so theils noch in leben werde vns des-  
sen gute vnd warhaffte zeugnuß geben können/als wir vor etlichen  
Jaren an höchstermeltes Keyser Maximiliani Hof als ein Capi-  
tuls zu Cöllen Gesandter gewesen / die Päpstliche Mes nie  
besuche/sonder jeder zeit vns ohne schew inn der Euangelischen  
versamlung finden lassen / das ihr May. vns dannocht aller  
gnädigst geduldet / vnd darinn im wenigsten keinen eintrag  
gethon/wie auch auff etlichen Wahl vnd Reichstagen / wir vns  
auch nie anders erfinden lassen. Es ist auch solliches alles nicht al-  
lein in disem ort vnd Land gang Notorium vnd offenbar/sondern  
auch mit diß Stiffts Protocollis vnwidersprechlichen zubeweisen  
vnd darzuthun.

Das nun wir in vnsern Personen zu vnser selbst vnd vnser  
Gräfflichen namens/ Stammens vnd Stands/verkleinerung nit  
zugeben haben/das wegen des Pappsts Bañ/wir von disem Stifft  
aufgeschlossen/vñ in vnsern Personen/ein weg vnd ban gemacht  
würde/mit der gleichen/Einsuren auch alle andere Euangelische  
Fürsten Graffen vnd Herrn/von disem Stifft künfftiger zeit auß-  
zuschliessen/darin werden vns zuuer sicherlich weder höchstgedach-  
te Key. May. vnser allergnädigster Herz/noch sonst einiger des  
heiligen Römischen Reichs fridliebender Stand / inn vngnaden  
oder vngutem nicht verdencen / vnd das vmb so vil desto weniger  
weilen wir biß daher vilfaltig vnd oberflüssig bey vnserer gegen-  
parth gesucht/das sie von irer fürgenossenen newerung abstehn/  
vnd alles in vorigem fridlichen wesen lassen wolten/wir haben vns  
auch nicht allein zu güdlicher vergleichung vnd hinlegung vnser  
spanns/

9  
spanns/sondern auch zu ordenlichem Rechten mehr dann genugsam erbotten/wie noch.

Auf diesem allem ist offenbar/das nit wir/ oder vnser Conzorten/sonder vnser Widerparth vnnötige newerungen/vnd das her fließende vnrhuen suchen vnnnd fürnehmen/als denen das vorig fridlich wesen nicht mehr gefallen will/ vnnnd darumben sich auch vor lengst öffentlich Protestando erklet haben/das alle Confessionisten (Dann also hat inen gefallen der Augspurgische Confession verwandte zunemen) entweder Resignieren/oder aber dergleichen Censur vnd aufschliessung inn künfftigen gewertig sein sollen/die auch eines theils angefangen / an denselben nicht erfertiget zu sein/ sondern haben diser Statt Burger angefallen/vnd sonsten mehrfaltigen vnzünftlichen muthwillen geübt/ deren zugehörige mit etlich tausent Schützen (so sie vber nacht zu wege bringen köndten) ja auch noch newlich einer das dise des heilige Reichs Freye Statt Straßburg bald dem König auß Frankreich vnnnd der Nider Rheinstrom dem König von Hispanien zu gehören würde/getrohet. Mann ist auch ex aduerso allbereit so weit kommen/das ein Bischöfflicher Rhat vnnnd Diener (Wie beweisslichen) Doctor Otto von Landersploth öffentlich geschriben. Das alle Euan gelische Ehrlose / verleumbte Personen seien / die auch nicht tauglich vnd werth in rechtlichen sachen der warheit zeugnuß zugeben. Welches alles ja dem Religion vnd Landfriden/auch aller Erbar vnnnd billichkeit zuwider vnd zweiffels ohn von der Key. May. vnserm allergnädigsten Herrn vnd andern des heiligen Reichs gemeinen Ständen/nicht geduldet / viel weniger gebilliget / noch darzu geholffen werden soll.

Das aber viel höchstgedachte Key. Mayestat (wie auß dero außgangenem befehl zusehen/) dahin berichtet / als ob wir wider des Stifts geschworne Statuta/vñ wider vnser Eyd vñ pflicht

den allhieigen Bruderhof eingenommen/darinn des Stiffs vor-  
 rhat vnnnd Früchte verkaufft/ auch noch ferner zuuor vnerhörter  
 weiß für Statthalter des Decanats vns außgebe/ vnder solchem  
 Titel befelch außgehu lassen/darinnen wir die ordenliche Geys-  
 tliche Obrikeit/Bischoff/ Prelaten vnnnd Capitul vnzünftig an-  
 getast/die Diener/Vnderthonen vnnnd Pföchtleute von ihrem ge-  
 horsam/abgemanet/vnnnd vns gewertig zu sein zuzwingen vnder-  
 standen haben sollen/mehrern inhalts/2c. In demselben seind ihre  
 Keyserliche Mayestat von vnserer fridhessigen Widerparth/and-  
 derst dann sich gebüret/vnnnd mit verschwigener warheit berichtet  
 worden.

Dann wir seind bekandtlich/als wir vor disem de facto von  
 dem Capitul vnnnd vnserer beneficien gefallen wegen ob angereg-  
 ter nichtiger Päpstlicher Censur verstoffen werden wollen/ auch  
 in erfahrung kommen / das vnserer Gegentheil wider ihre ge-  
 schworne Eyd vnnnd Statuta des Stiffs Kleinoten/vnnnd anders  
 außberhärten Stiffs Cassier/heimlicherweiß ablsque decreto  
 Capituli entfrembdet/vnnnd also den Bruderhof vnnnd Chorgewelb  
 spoliert/das wir mehrgemelten Bruderhof/vnnnd was noch vber-  
 rig darinn ( wie wir vermög vnserer Eyd schuldig) inn vnserer  
 gewarsam genommen / vnnnd haben gleich ersten tags befunden/  
 das des Stiffs Einhorn vnnnd andere stattliche Kleinoter / auch  
 ganze Barschafft vnnnd volgends die fürnembste brieffliche docu-  
 menta von vnserem Gegentheil enteuffert gewesen / dannoch  
 seind die selbige vnserer Gegentheil inn ihren vnbillichen fürnem-  
 men der warheit/ihres herkommens vnnnd stands so gar vergessen  
 gewesen / das sie bey einem Ersamen Weisen Rhat der Statt  
 Straßburg schriftlich vnnnd mündelich fürbringen dörfen/als  
 ob solche enteuffertung vnnnd Spolium von vns vnnnd vnserem Con-  
 sorten beschehen/ alles der meynung vns damit/ als mit erzeigter  
 vntrew vnnnd vngedür bey Ehrengemeltem Rhat vnnnd gemeiner  
 Burger schafft allhie zu Straßburg/vnnnd sonst bey menigst  
 chem

chen Exos vund verhaßt zumachen / da sich aber bald die warheit vund das vnserer Widerparth selbst solche entfremdung geschon befunden / inn massen wir ihnen solches zum offtermahl öffentlich sürgeworffen / sie es aber jederzeyt biß herowie noch vnuerantwortet gelassen / dannoch haben wir vnsern Gegentheilen ihre gebür auß dem Bröderhof folgen lassen / biß das sie hie vor vnerhörter weis die gefälle hieher im Bröderhoff zuliffen verboten / an vngewöhnliche ort verführet / vnnnd damit ihres selbst gefallens vnnnd muthwillens gehaußt haben.

Wir seind auch bekandlich / das auß vnser vnnnd vnserer Consorten befehl etliche Früchten verkaufft / vnnnd wir darauff vnserer Competenz vnnnd gebür bezahlet / wie auch was zuerhaltung des Stiffts herkommen angewendet / auß demselben erhalten worden / darzu wir auch nicht weniger als Mittherm des Bröderhoffs vnnnd viel mehr dann vnserer Gegentheil / welche vnnötige vnrhue vnnnd newerung / ganz vnbesügeter weis inn ditzrhüwig Stiffte vnnnd Land einführen / vnnnd darzu nicht allein des Stiffts Kleinoter / sondern auch alle Barschafft biß auff einen bösen hinderlassenen Mönichs / oder Pappes Kopff enteuffert / auch einen grossen theil des Stiffts gefäll / an vngewöhnliche ort entföhren lassen / vnnnd zu ihrer vnrhue zweiffels ohn gebraucht haben / besüget seind / vnnnd was von vnsern verordneten / auß vnserm befehl verkaufft vnnnd erlöht worden / desselben wegen wir vns an seinem ort / red vnnnd antwort zugeben erbotten / wie auch noch / wir seind auch hierumb so wol als vnserer Widerparth ihres vorgehaltenen Spolij im Reich gewesen.

Vnd so vil den eingenommenen Bröderhof mehr belangt / haben wir vnnnd vnserer Consorten vns vielfaltig erbotten / wie wir auch noch vrbittig seind / wann vnserer Gegentheil des Stiffts Kleinoten vnnnd anders so sie enteuffert / widerumb herbey geschafft / vnnnd das ganz wesen dieses Stiffts inn vorigen  
frida



fridlichen stand wider gestellt / auch für künfftigen newerungen si-  
 cherung erstattet / das auch wir von des Bruderhoffs verwa-  
 rung abzutretten wol gewillt / als die wir anders nichts suchen/  
 wünschen vnnnd von Gott begeren / dann das diß Fürstlich vnnnd  
 Gräßlich Stiffte inn dem ruhwigem Stand vnnnd lieben friden/  
 wie es biß daher gewesen / erhalten werde vnnnd verbleiben möchte.  
 Wie wir vns dann auch dauon es beschehe dann mit ordenlichem  
 Rechten vor viel höchstgedachter Keyf. Mayst. vnd des allgemey-  
 nen heiligen Reichsständen / als vnsern inn dieser sachen einzigen  
 Richtern / vnserer Ehrn vnnnd pflicht halben nicht abweisen lassen  
 können / sondern mit denen im rechten erlaubten mitteln bey vns  
 fern wolherbrachten gerechtigkeiten vnnnd Possession vel quali-  
 vns zu handhaben befügt wissen.

Auß welchem klar vnd offenbar / das wir mit vnserm Ein-  
 zug inn Brüderhof vnd dessen verwarung / wie auch mit verkauf-  
 fung etlicher Frücht nichts wider die gebür gehandelt / aber vnser  
 gegenheil in dem sie vns vnd vnser Consorten vom Capitul vnd  
 vnsern gefellen / wegen des Pappsts vermeinter Censur außschlies-  
 sen wollen / auch des Stiffte Kleinoten vnd anders enteuffert / die  
 gefälle vnerhörter weiß an andere ort verführt / vnnnd zu ihrer vn-  
 ruhue angewendet / sie die shenigen seind / welche wider diß Stiffte  
 geschworne Statuta wider ihre End vnd pflicht / wider den Reli-  
 gion vnd Landfriden / wider alle Recht vnnnd Erbarkeit gehandelt  
 haben / vnd von solchem ihrem vnbesüßtem fürnehmen billich ab-  
 vnd dahin gewisen werden solten / Das sie von iren vnnöttigen ne-  
 werungen abstünden / vnd alles inn vorigem fridlichen stand (des  
 Päpstlichen Banns / oder Proceß vngeachtet) widerumb köm-  
 lieffen.

Vnd ist sonderlich ganz frembd zu vernemen / das vnser  
 Gegenparth / die höchst gemelte Keyf. Maiestat vnsern allergnäd-  
 digsten Herrn berichten dürffen / als ob zuuor vnerhört vnd erdich-  
 tet / Das wir vns einen Statthalter des Decanats genennet / wie  
 noch / da doch solches je vnd allwegen in Übung (zur zeit ein Deca-  
 nus

nus absens) gehalten worden / vnd nach altem gebrauch jederzeit der in loco der älteste Capitularis ist / vnnnd der das Capitul besuchet für ein Statthalter des Decanats / bis ein älterer ankomen / geschriben / gehalten / genandt / vnd darfür erkandt worden / wie nicht allein ganz Notori diß ortz vnnnd hierumb bey den Benachbaurten / vnd meniglichen bewußt / sondern auch im fall der noth staetlich vnd vberflüssig bewisen werden kan / wie auch noch in newlichkeit vnder vnsern selbst Gegentheilen einer / als der von Hohen Saxon / so doch in ordine Capituli der Jüngst / wiewol wir / auch Herr Johann von Winnenberg / vnd Graff Ernst von Mansfeld) der doch nicht in specie Excommuniciert (in loco gewesen sich nicht allein für des Decanats Statthaltern / sondern auch (quod nouum & inauditum) für ein Ehrwürdig Capitul selbst außgeben hat / so doch auch deren die er für ein Capitul achten vnd halten möchte / nicht ein einziger bey der hand gewesen.

Das wir dann auch von vnsern Gegentheilen angeben / vnd beschuldiget / als ob wir die Geystliche Obriegkeit / vnd vnserer Gegentheil schmählich angetast / da wäre sich exactis ipsis, solle sich auch sonst im außführen klärlichen befinden / das wir anders nicht dann defensiue bis dahero gehandelt / vnd also das ihenige / so vns Iure nature erlaubt gebraucht / vnd fürgewendt haben / so hat auch der Römische Pabst / wider dieses Stuffs Euangelische Fürsten / Graffen vnnnd Herrn / oder einigen andern Euangelischen Stand / vor vnd nach dem Religion Friden / keine Iurisdiction oder Oberkeit gehabt noch herbracht / wie auch noch nicht / also das wir dieselbe vns vnnnd andern Euangelischen Fürsten / Graffen vnd Herrn zu nachtheil auch jeko nicht können einräumen. Vnd nach dem derselbe durch seinen Nuncium diese newsetzung vnd vnrhue zu erwecken / ons für Ketzer vnnnd verbannete zu declarieren, vnd vnserer in Gottes wort gegründte Religion für ein Ketzeri zu declarieren, sich gelusten lassen / Nach dem auch vnserer Gegentheil / dieselbe verleumbdung / vnd nichtigen Basis

Execution ins werck zusehen sich vnderstanden/vnd sich (wie ob-  
stehet) erkläret/das alle Confessionisten/Resignieren oder derglei-  
chen Danks vnd ausschliessung gewertig sein müsten. Daneben  
vns auch beschuldigen wollen / als ob wir wider des Stiffts Sta-  
tuta, wider vnser pflicht vnd End gehandelt / des Stiffts Klei-  
noten vnd anders hinweg genoffen. So hat denselben auff solch  
ihr vngütlich fridheffig vnd scindlich fürnehmen vnd vnerfunde-  
liche beschuldigung anderst nicht begegnet werden können oder  
sollen/dann von vns beschehen ist/vnnd wann man vns bey altem  
herkommen/vnd dem vorigen fridlichen wesen vngelohert/vnges-  
chmecht/vnuerfolgt/vnd dis Stifte inn vorigem fridlichen we-  
sen hette verbleiben lassen ( wie billich geschehen sein solte) so  
würden wir (wie zuuor in viel Jar beschehen/vnd wir dessen (ohn  
rham zumelden) besser zeugnuß dann vnser Gegentheil haben)  
in voriger stille/wol vnd lenger verbliben sein.

Wir können auch vnser Gegenparth für kein Recht Capit-  
tul vnd ihre Decreta oder Conspiraciones nicht pro capitula-  
ribus erkennen/ dieweil dieselben nicht am gewonlichen ort vnnd  
gewonlicher weis more Maiorum vnnd wie dis Stiffts Sta-  
tuta vnd ordnungen erfordern/zusamen kommen/ vnnd Decre-  
tiert worden/hingegē aber was von vns vñ vnsern Consorten bis  
dahero beschehen / dasselbig ist in loco solito vnd more Mai-  
orum beschehen/ inn dem wir auch weder gegen den Vndertho-  
nen vnnd angehörigen/ noch auch andern Psöchtleuten anderst  
nichts gehandelt/dan dessen wir Rechtmässig vñ wolbefügt/vnd  
bey aller meniglichem rechtmässigs verstands / gebürlichen zu-  
verantworten wissen / Es seind aber vnser Gegentheil eben die  
ihenige/welche dieses alles gethon / vnnd noch täglich ihun/so sie  
vns vermässentlichen zu zulegen nicht abscheuens tragē / sie ha-  
ben vnser officianten wie auch vnser Vnderthonen / von ihren  
schuldigen Pflichten vnnd gehorsam gegen vns abgemahnet/sie  
haben dieselbige vnnd andere des Stiffts Psöchtleut / dahin ge-  
zwungen/das sie die schuldige Zins/welche von altem hero in den  
Brus

Bruderhof geliffert worden/vnd werden sollen/jezt eins theils an andere vngewohuliche ort verführen müssen.

Anß welchem allem dann genugsam abzunehmen / wann die Keyserliche Mayestat vnser Allergnädigster Herz aller sachen mit warheit vnnnd wie billich hette beschehen sollen/ were beschiedet worden/wie es nemlich bisz daher eine gelegenheit mit diesem Stifte vnd desselben Stifftsherren/auch Vnderthonen / angehörigen vnd Pföchtleuten gehabe/auch was wir vns bisz dahero vielfaltig so schriftlich/so mündtlich erbotten vnd erkläret haben/ vnd das vor auffgerichtetem Religion friden die Euangelische/ auch vom Pabst die Excommunicierte Graffen vnd Herrn/ diß orts auffgenommen/bey ihren Prebenden/ Capituls session vnnnd gefallen / vngehendert dergleichen Päßstlicher Censur gelassen worden. Das auch vor vnnnd nach dem Religion friden jederzeit Fürsten/Graffen vnd Herrn der Euangelischen Religion verwandte auff diesem Stifte gewesen/vnd darbey rhüwig gelassen/das auch wir anderst nicht dann bey solchen wol vnnnd inn gutem friden herbrachtem Rechten zubleiben begeret/wie noch/ vnser Gegentheil aber / dem alten herkommen zuwider newerungen einzuführen / alle Euangelische vermög ihrer beschehenen andern Protestation ( das doch diß orts vnerhört ) von diesem Stifte vnnnd herbrachten gerechtigkeit außzuschliessen / de facto mit verschliessung des Capituls Thüren / vnnnd vorenthaltung vnser gefell/ zu verstoffen ihnen fürgenommen / deswegen auch heimlicher weiß / des Stiffts Kleinoten Baarschafft vnnnd anders enteuffert / vnerhörter weiß des Stiffts gefell verführet/ vñ in summa durchaus in allen vnzüfliche newerungen des Stiffts Statutis, ihren Eyden vnd Pflichten zuwider fürgenommen / vnd durchzutringen vnderstehen. Das viel höchstgedachte Keyserliche Mayestat sich ohn alle zweiffel dahin nicht würde haben beswege lassen/das dieselbe dergleiche Mandata vnd beselch vns vnd allen andern Euangelischen Fürsten / Graffen vnnnd Herren zu nachtheil hette lassen abgehē / noch vnserer gegentheil vnrhüwig/ fridheßig fürnehmen jr gefallen lassen.

Dieweil dann die sachen viel anderst / dann die Key. May. vnser aller Gnädigster Herr von vnsern Gegentheilen Infortmiret beschaffen / wie zu seiner zeit / vnd an seinem ort / ferners dee notturfte nach außgeföhre werden soll / vnnnd wir vns dasselbig per expreßum hiemit vorbehalten ) diese sach auch irer art vnnnd gestaltsame nach / für vil höchstgedachte Key. May. vnd zugleich auch für gemeine des heyligen Reichs gesampfte Stände einer / vnd der andern Religion gehörig ist.

Dem allem nach / so berüffen vnd Appellierē wir nach form der Rechten / vnd wie es am beständigsten fürgenommen werden solle kan oder mag / von mehr besagten Keyserlichen befehl / vnnnd ab imperatoria Maestate male informata, ad eandem melius informandam. So dann auch an des heyligen Reichs sammentliche Stände / Aller Vnderthenigst / Vnderthenigst / vnderthenig / dienstlich / freundtlich vnnnd fleissig bittent vns pendente interposita nostra appellatione, wider vnnnd ohne Recht nicht vergewaltigen noch beschweren zulassen / auch in vngnad / vnd vns gutem nicht zu verdrecken / das wir bey vnserm Rechten vnnnd gerechtigkeiten / vns / so best wir können vnd mögen handhaben vnnnd des Römischen Pabsts in disem Stiff / wider Euangelische Fürsten / Graffen vnd Herrn / vor dem Religionfriden abgeschafften / vnd seithero niemahlen zugelassenen Bañ / Censur vnd Excommunication nicht statt geben haben / sonder dis Stiff vermög vnserer Eynd vnd pflicht / bey herbrachtem Rechten vnnnd gewonheit / biß dahero zuerhalte vnderstanden / vnd es nochmahl zuthun gesinnet seind.

Vnderwerffen auch vns vnser Haab vnd Güter vil höchstgedachter Key. May. vnd gemeinen des heyligen Reichs Ständen / schus vnd schirm / vnnnd ersuchen hierauff euch offenen Keyserlichen Notarien / das ihr diese vnser Appellation mit fleiß verzeichnen / vns dauon eins oder mehr Instrumenta / so viel deren vonnöhten vmb ewere belohnung verfertigen vnnnd dieselben dem Hochwürdigsten Fürsten vnd Herrn / Herrn Wolffgang erweltem

tem vnd bestetigttem zu Erzbischoffen zu Meins vnnnd Churfürsten/als des heiligen Römischen Reichs durch Germanien Erzkanslern. Volgends dem Durchleuchtigsten/ Hochgebornen Fürsten vnd Herrn/ Herrn Johann Casimir/ Pfalzgraffen bey Rhein/ Hersogen in Beyern/ der Churfürstlicher Pfalz Administratori vnd Tutori, beiden vnsern gnädigsten Chur/ Fürsten vnd Herrn der gebür Insinuieren wöllet.

Protestieren vnd bezeugen vns daneben / das was wir hinfüro/ (wie auch bis anhero beschehen) zu Continuirung vnserer possession vel quasi mögen oder werden fürnemmen / das solches alles vnnnd jedes der Keyf. Mayst. vnser Allergnädigsten Herrn/beuelch zuwider/ im wenigsten nicht gemeint/ sondern das wir dessen allein zuerhaltung / vnserer lang wolhergebrachter Recht vnd gerechtigkeit nicht vmbgang haben mögen. Zu vrfund mit diesem vnserm hie fürgetrucktem Secret versiglet. Geben vnnnd geschehen Sambstags/ den ein vnnnd dreissigsten vnd leisten Julij/ im Jar nach Christi vnser einigen Herrn/ Erlösers vnnnd Seligmachers Geburt / fünffzehnhundert achtzig vnd fünff gezählet.

Zu Straßburg auff zeit vnnnd an Malstat / als oben zu anfang vermercket / inn Persönlicher gegenwertigkeit der Ehrnuesten/ Hoch vnd Volgelehrten/ auch Mannhafften / Fürnemmen/ Wolachtbaren/ Weysen vnd bescheidene Herrn / Michael Beuters/ Laurentij Tuppff/ beider der Rechteu Doctorn / vnnnd hoher Schulen zu Straßburg Professorn/ Isaac Wieckers / Hansen Hohenawers von Nürnberg bestelten Hauptmanns / Martin Hartmanns/ vnd Pantaleonis Boischen beider Keyserlicher geschworne Notarien/ hierzu mit sondern Gnaden vnd fleiß erbetener Zeugen.

**W**ann nun ich Leonhard Seis von Dänkenhausen an der Almon/ Eystetter Bisthums / vnd in Marggräffischer Brandenburgischen Herrschafft gelegen / von

Kayserlicher Mayestat Autoritet vnnnd gewaltsame offener ges  
 schworner / auch an deren vnnnd des heyligen Römischen Reichs  
 hochlöblichem Cammer gericht zu Speyr Approbiert vnd Im-  
 matriculierter Notarius / Burger vnnnd Ehegerichschreiber der  
 Statt Straßburg / bey obgedachts des Wolgebomen Herrn/  
 Herrn Hermann Adolphen Graffens zu Solms / Herrn zu  
 Münsenberg vnd Sonnenwalds zu Cölln / Würzburg vnnnd  
 Straßburg Thumbher meines gnädigen Herrn / wegen besche-  
 benem mündlichem Requirieren vberzeichter / vnnnd durch mich  
 abgelesener Appellationschrift/ vnd andern derselben einverleib-  
 tem anzeigen/ Prouocieren/ ersuchen vnnnd erfordern/ neben vor  
 vnd eherngemelten Herrn Zeugen Personlich zugegen gewesen/  
 solliches alles der gestalt verichtet zu werden / selbstn gesehen vnd  
 gehört / Als hab ich es zu vorderst in mein Protocoll verzeichnet/  
 vnd dann darauß diß gegenwertige offene Instrument darüber in  
 dise form gebracht / durch einen andern zwar / mir obligender  
 Amptsgeschafft halber mit fleiß Ingrossieret / hernacher aber  
 durchauß reuidiert / auscultiert/ conferiert/ auch dem waren von  
 Perment vnd Pappyr libellierten vnd vnuerfertē Original Ap-  
 pellation Instrument gleichförmig erfunden / mit selbst handen/  
 Lauff vnd zunamen/ auch eigenem Notariat Signet vnnnd Ins-  
 sigel darzu Amptshalben zu vngezweiffleter gezeugnus vnd  
 vrfunde gnädiglichen requiriert vnd ermancet  
 subscribiert beuestiget vnd  
 verwahret.

(:)

NVME

INSTRUMENTVM ADPELLATIONIS.

Des Ehrwürdigen/ Wolgeborenen  
Herrn Johannesen Freyherrn zu Winnen-  
berg vnd Beihlstein/ Thumbher der Erzh vnd  
Hoher Stifter Eölln/ Erier vnd  
Straßburg.



Ndem Namen des HERN vnser  
Gottes Amen/ kundt vnd wissend seie jeder  
meniglichem / mit gegenwertigem diesem  
offenen Instrument/ das inn dem Jar von  
der Gnadenreichen Geburt Ihesu Christi  
vnser lieben HERN vnd einigen Erlösers/  
Tausent/fünff hundert/ achtzig vnd fünf  
gezählet. In der dreyzehenden Indiction, zu Teutsch Römer  
Zinszahl genandt / Bey Regierung des Allerdurchleuchtigsten/  
Großmächtigsten Fürsten vnd Herrn/ Herrn Rudolphen/ dieses  
namens des andern / erwölten Römischen Keyßers zu allen zeiten  
Mehrern des Reichs inn Germaniën / zu Hungern / Böhheim/  
Dalmatien/ Croatien vnd Sclauonien/ 2c. Königs/ Erzhertzo-  
gen zu Oesterreich/ Herzogen zu Burgundi/ Steur/ Kernden/  
Erain vnd Wirtenberg/ 2c. Graffens zu Tyrol/ vnser Allergnäd-  
igsten Herrn/ Ihrer Mayestat Reich/ des Römischen im zehenden/  
des Hungarischen im dreyzehenden / vnd des Böhemischen  
auch im zehenden Jar / auff Sambstag den vierzehenden Mo-  
nats Augusti/ als bald zu ein vhren Nach mittag/ inn des heiligen  
Reichs Freystatt Straßburg/ vnd daselbsten in eines Hoch vnd  
Ehrwürdigen Thumbcapitels Hoher Stifte Straßburg Bru-  
derhose/ oben auff in desselben grossen Saal. Der Wolgeborn  
Herr/ Herr Johannes Freyherr zu Winnenberg vnd Beihel-  
stein zu Eölln/ Erier vnd Straßburg Thumbherz/ mein gnädig-  
ger Herr/ in eigener Person/ vor mir nachgeschribenem/ vnd hiere



zu gebürlichen erforderem Notario, auch den hierzu inn sonderheit beruffenen vnd glaubwürdigen / bey ende benambsete Zeugen erscheinen / vnd fürtragen lassen / das ire Gnaden zu dero allhie zu Straßburg wider ankunfft in erfahrung gebracht / wie derselben widerige Miteapitulares Römischer Religion / mit vngleichem ihrem berichte / vnd verschwigener warheit / bey der Keyserlichen Mayestat vnserm Allergnädigsten Herrn ein Mandat auß gebracht / vnnnd allhie öffentlichen an des Münsters Thüren affisgieren vnd anschlagen lassen / damit ire Gnaden an iren wolhergebrachten Ehren zum höchsten angetastet / vnnnd wider alle Recht vnd billichkeit mercklich vnnnd eusserst beschwerde werden wolten / dadurch dann ihre Gnaden höchlich verursacht / höchstgedachte Keyf. May. vnserm Allergnädigsten Herrn / aber mit besserm vnd bestendigerem grund der warheit vnderthenigst zu berichten / vnnnd eben dise erlaubte Mittel / deren sich auch vor wenig tagen ihrer Gnaden freundlicher lieber Vetter / der Wolgeborn Herz / Herz Hermann Adolff Graffe zu Solms / Herz zu Münsenberg vnd Sonnenwald / zu Colln / Würzburg vnd Straßburg Thumbherz gebrauchet / ad Imperatoriam Maiestatem melius informandam ad status imperij für vnnnd an die hand zunehmen. Dervwegen mich den Notarium meines tragenden Ampts / auch der pflicht vnd Eyd / damit ich mehr vnnnd höchstgedachter Keyserlichen Mayestat / vnnnd des heyligen Reichs gemeinen Ständen zugethon / zu dem ersten / andern vnd dritten mahl mit sondern Gnaden / doch fleissig / noch fleissiger / vnnnd allerfleissigst Requirit vñ erinneret / den mir darmit vberantwortete / Pappruen Appellation Zedul (in krafft dessen an offft vnnnd höchstgesetzte Keyserliche Mayestat / Chur / Fürsten / vnnnd andere des heyligen Reichs Stände / ire Gnaden Appelliert / Prouociert / bedingt vnd sich beruffen haben wolte) den Zeugen / wie dann auch in puncto mit vnuerduncelter Stütze beschehen / vor zulesen / den zu notieren / Protocollieren / so offft von nöten Instrumentieren / vnd solgends dem Hochwürdigsten Fürsten vnd Herrn / Herrn Wolffgang

gang erwöltem vnd bestätigtem zu Erzbischoffen zu Meins vñ  
 Churfürsten/als des Heiligen Römischen Reichs. Durch Berz  
 maniam Erzeanslern. Wie auch dem Durchleuchtigsten vnd  
 Hochgebornen Fürsten vñnd Herrn/ Herrn Johan Casimirn  
 Pfalzgrauen bey Rhein vnd Herzogen in Bayern/ Der Chur-  
 fürstlichen Pfalz Administratorn vñnd Tutorn beyden meinen  
 gnädigsten Chur-Fürsten vnd Herrn zu Insinuire/ Verkündi-  
 gen vnd (dessen ich mich Amptshalbe wie schuldig also auch in zu  
 vnderthänigkeit willig erkenet.) recht vngeweiffelten wissen zu-  
 machen. Vnd ist viel vnd wolernants meines gnedigen Herrn  
 von Winnenbergs angemelte Schedula Appellationis von als  
 len ihren worten folgenden Inhalts.

**W**IR Johannis Freyherr zu Winnenberg vnd Beyhels-  
 stein/zu Coln/ Trier vnd Strassburg Chumbherr/ etc.  
 Erscheinen vor euch Notario, vnd den hier zu erbette-  
 nen gezeugen/ Vnd köñen vnser Notturfft nach fürzubringen nit  
 vñfgehn. Das nach dem wir nechstverschienen Montags den 9.  
 dises Monats Augusti/zu vnser allhieigē Ankunfft/in erfahrung  
 köñten/ Das der Herr Bischoff zu Strassburg/ dessen Brüdere  
 vñ andere vnser widerige Capitulares/bey der Key. Mayt. vñ  
 serm Allergnedigsten Herrn/mit fürbrachtem vngrund/vnd verz-  
 schwigner warheit/zweiffels one auch nicht mit geringer Impor-  
 tunitet/vor vnser verhöre/ ein Keyserlichen Befelch außbrachte/  
 vnd denselben. Vff den vier vñnd zwensigsten nechstverschienen  
 Monats Julij/durch ihre diener einem Erfamen Weyßen Rath/  
 dieser des Heiligen Reichs freyen Statt Strassburg Commu-  
 nicieren ein andern aber vngewonlicher weis vnd an vngewon-  
 lichem ort anfleiben lassen.

Darauß wir vnd menniglich/dem dieses Stiffts/vñnd sa-  
 chen gelegenheit vnd herkommen bewust/ Lauter vnd klerlich bes-  
 finde köñden/ Das vorhöchstgedachte Key. Mayt. sehr ubel von  
 vnsern gegenheile Informiert/vnd dan wir vñs bij daher o mehr

faltig/ vnd oberflüssig vrbietig erkleret haben/ vnd noch sein / In  
 fall ja bey obangeregten vnsern gegentheilen / keine gütliche freunt-  
 liche vergleichung statt finden kan / dieser allhie durch vnser ge-  
 gentheil vnnötiger vnbesügter weiß eingeführter spän wegen für  
 derselben Ordenlichen Richter vnnnd nemblich höchstgedachter  
 Key. Mayt. vnd gemeinē des heiligen Reichs ständen/ fürzukom-  
 men/wir auch allbereit/was der Ehrwürdig/vñ Wolgeborn/vn-  
 ser freuntlicher lieber Vetter/Herman Adolff Graue zu Solms  
 vnd Herz zu Rinsenberg/zū Cöln/Wirzburg vnd Strassburg  
 Thumbherz/ des wegen fürgenommen/wie sein Liebde an höchst-  
 gedachte Key. Mayt. vnnnd gemeinē des heiligen Reichs Ständ/  
 vor euch Notario appelliert/angehört/verlesen/erwogen/vnd be-  
 dacht haben/ Daneben vns auch zu erinnern wissen/ das glaub-  
 würdige vnd der Bapstlichen Religion zugethane Personen/hiez  
 bevor gegen vns hoch affirmirt/vnd behalten/das der Bapstliche  
 Nuncius Episcopus Vercellēsis, der vns vermeintlich in Bai-  
 declariert/darzu keine Commission oder befehl gehabt/ sondern  
 eines Mandati vberschritten/welche nullitet, dann auch von ei-  
 nem Cölnischen Historico (der aber in vielen andern sachen die  
 warheit nie genugsam geachtet) in gedruckten Historien bekandt.  
 vnnnd gestanden wirt. Wiewol wir auch dem Bapst selbst Iuris-  
 diction, als die er sonderlichen diß orts/nicht herbracht/vnnnd die  
 wider Euangelische des heiligen Reichs Ständ suspendiert/vnd  
 eingestalt nicht gestehn oder einräumen. So dann auch weilt  
 vnser gegentheil an dem allem / so sie vns fälschlichen vnnnd Ca-  
 lumniosē zulegen/eben die rechtsschuldige sein/Auch allbereit ein  
 einiger/vnd der Jüngst vnder ihnen/ mit dem Titul Dechenats  
 Statthalter vnd Capitul/die Arme Bawrsleute / mit Glocken  
 zeichen wider vns sich zuerheben/ vnd Landfriedbrüchige Empör-  
 rung anzufangen/ schriftlichen vermahnet hat/ als auch auß vr-  
 sachen/ wie dieselbe von wolgedachten vnserm freuntlichen lieben  
 Vetteren Graue zu Solms/ in seiner Liebde Appellation fürhlichē  
 gemeldet/ vnd andere mehr zu seiner zeit vnd an seinem ort/der ge-  
 bür/vnd noturfft nach/ außgeführt werden sollen.

Hierumb


Hierumb so Appellieren vñnd beruffen wir vns Aller dings  
 ebenermassen/wie von vorgemelten Graffen zu Solms vnserm  
 freundlichen lieben Bettern Newlich den letzten Julij nächst  
 uerschieden vor euch Notario beschehen ist/ ab imperatoria Ma-  
 iestate male informata, ad eandem melius informandam  
 & ad imperij status, siue ordines. Als welche one das sambtelich  
 diser sachen vñnd derselben anhang Competetes iudices sein/ Re-  
 quirieren vñnd ersuchen dar auff euch Notarium, Das jr auch dise  
 vnser Appellation/ der gebür verzeichnen/ Instrumenta darüber  
 verfertigen/ vñnd dem hochwürdigsten Fürsten vñnd Herrn/ Herrn  
 Wolfgang/ erwöltem vñnd bestätigte zu Erzbischoffen zu Meinz  
 vñnd Churfürsten/ Als des heilige Römischen Reichs durch Ger-  
 manien Erzcanslern/ r̄. Vñnd dan dem durleuchtigsten Hochge-  
 bornen Fürsten vñnd Herrn/ Herrn Johan Casimiro Pfalzgraffen  
 bey Rhein/ Herzogen in Beyer/ Der Churfürstliche Pfalz Ad-  
 ministratori/ vñnd Tutori beyde vnsern gnedigsten Chur- Fürsten  
 vñnd Herrn Insinuieren wöllet/ r̄.

**S** Eschehen sind alle obinuerseibte ding im Jar Indiction  
 Römischer Keyf. May. herrschung/ Monat/ tag/ stund/  
 vñnd Malstati/ als beim anfang dises Appellation Instru-  
 ments eigentlichen Specificiert ist/ im beywesen/ der Eynhafften  
 Fürneim vñnd Wolgelehrten/ auch Erbarn vñnd bescheidnen Jo-  
 hann Dieterich Edling/ vñnd Michael Beringer beyder Keyserlich  
 cher geschwornen Notarien. Auch Mathis Kosers aller dreyer  
 Burger zu Strassburg/ hierzu pro testimonio mit fleiß beruf-  
 fen vñnd erbetten.

**S** Ad weilich Leonhart Seis/ von Günsenhäusen an der  
 Almon/ Aistetter Bistums/ vñnd in Margräffischer  
 Brandenburgische herrschafft gelegen/ Auß Römischer  
 Key. Mayt. meines aller gnädigste Herrn autoritet vñnd gewalt  
 offner/ vñnd an dero hochloblichen Cammergericht zu Speyr Ad-

mittiert vnnnd Immatriculierter Notarius, Burger vnnnd Ches  
 gerichtschreiber mehr ermelter Statt Straßburg/ bey vorges  
 schribenem Appellieren vnnnd fürlegung des Appellation Zedels/  
 auch allen andern vorgeschribenen sachen mit ebenanthen zeugen  
 selbs Persönlich zu gegen gewesen/ die also gesehen vnnnd gehört.  
 Hab ich darumb gegenwertig offenes Instrument durch einen  
 andern auß meinem befehl getrewlich geschriben/ in ein ge  
 merck genossen/darauß in dise Form gestelt/ vnd darzu mit mei  
 nem Namen zunamen/vnd gewonlichen Notariat zeichen vnz  
 derschribē/vnd bezeichnet/Aller ding/ zu vrfundt vnd  
 gezeugnuß hierzu gnedig Requiriert/ be  
 ruffen vnnnd erbetten.

\* \* \*



NVME-

Desz Ehrwürdigen Wolgeborenen  
 Herrn Ernste Graffen vnd Herrn zu Mans-  
 feldt/der Erzh vnd hohen Stiffter Coln vnd  
 Straßburg Chumbhern.



**N** dem Namen der heiligen vn-  
 theilbaren Trinitet / Gottes Vatters/  
 Sohns/ vnd heiligen Geistes Amen. Kunde  
 vnd offenbar sey Allermenniglich/ so diß ge-  
 genwertig offene Instrument sehen/ lesen o-  
 der hören werden/ Das in dem Jar/ Als  
 man von vnser lieben Herren vnnnd einigen  
 Erlösers Jesu Christi geburt zalt/ Taufent Fünffhundert Ach-  
 zig vnd fünff/ in der dreyzehenden Römer Zinszal/ zu Latein Indi-  
 ctio genant / bey Regierung desz aller durchleuchtigsten/ Groß-  
 mechtigsten Fürsten vnd Herrn/ Herrn Rudolphi dieses namens  
 desz Andern/ erwöhten Römischen Keyfers zu allen zeiten mehrern  
 desz Reichs/ in Germanien / zu Hungern/ Böhem/ Dalmatien/  
 Croatien vñ Sclauonie Königs/ Erzhherzogs zu Ostereich/ Herz-  
 zog zu Burgundi/ Steyr. Kerndten/ Crain vnd Wirtenberg/ r.  
 Grauens zu Tyrol/ vnser aller gnädigste Herrn/ vnd von zeit an  
 irer Römischen Keyferlichen Mayt. Regierung vnd Keyferliche  
 wahl im zehenden/ desz Vngarische im dreyzehenden/ vnd desz Böh-  
 hemischen Königreichs auch im zehende Jaren. Auff Sambstag  
 den acht vnd zwensigsten desz Monats Augusti/ Als bald zu vier  
 Vhren nach Mittag/ in eines hoch vnd Ehrwürdigen Chumbca-  
 pitels zu Straßburg ordenlicher Capitelstuben/ Der Ehrwürdi-  
 gen/ vnnnd Wolgeborn Herr/ Herr Ernst Graffe vnnnd Herr zu  
 Mansfeld der Erzh vnnnd hoher Stifft Coln vnnnd Straßburg  
 Chumbhern/ mein gnediger Herr/ vor mir Notario vnd den hier zu  
 vrforderte gezeugt hernach bemelt/ in eigener Person erschiene/ vnd

durch den Ehrvesten / Fürgeachten Herrn Johann Weissen/  
 mündlich fürtragen lassen / wie ihre Gnaden zu ihrer wider An-  
 kunfft von dero freundlichen lieben Vetteren / den auch Ehr-  
 wüirdigen vnd Wolgebornen Herrn / Herrn Herman Adolphen  
 Graffen zu Solms / Herrn zu Minsenberg vnd Sonnenwald.  
 Sodann Herrn Johansen Freyherrn zu Winneburg vnd Bey-  
 helstein / respectiuè zu Cölln / Trier vnnnd Straßburg Thumbs-  
 herren auff Sambstag den ein vnnnd zwenzigsten dieses Monats  
 Augusti verstanden / welcher massen ihrer Gnaden widerwertige  
 mit capitulares Päpstlicher Religion / bey der Römischen Key-  
 serlichen Mayestat vnserm Allernädigsten Herrn / per sub &  
 obreptionem außgebracht Mandat an des allhieigen Mäns-  
 ters Thür / durch darzu bestelte Personen angekleibt / vnnnd sol-  
 gends einem loblichen vnd wolweisen Magistrat dieser Statt  
 Straßburg Communiciert / Darin ihre Gnaden an dero Wol-  
 hergebrachten Gräfflichen ehren zum heftigsten angegriffen  
 worden / Darumb sie dann wie billich solche atrocissimas in-  
 iurias zu hochbekümmertem gemüt vnnnd herzen geführt / vnnnd  
 derwegen wie in den Keyserlichen vnd allgemeinen geschribenen  
 Rechten gebreuchlich ad Cesaream Maiestatem melius infor-  
 mandam, wie auch an die Chur / Fürsten / Graffen / Herren / vñ  
 die oberigen gemeine Stände des Heiligen Reichs Teutscher Na-  
 tion in der besten vnd bestendigsten form Rechtens zuprouocieren.  
 Vnd hetten ihre Gnaden dieselbige Appellation auff das Pappir  
 gebracht / mit gnädigstem begeren Ich der Notarius wolte solche  
 annemen / den zeugen vorlesen / vnd darüber eins oder mehr / vnd so  
 viel deren ihre Gnaden vnnnd derselben Consortes behüffen wür-  
 den / Instrumenta in forma probante auffrichten vnd verferti-  
 gen / auch die dem Hochwürdigsten Fürsten vnd Herrn / Herrn  
 Wolffgangen erwolttem vnd bestätigtem zu Erzbischoffen zu  
 Meins vnnnd Churfürsten / als des Heiligen Römischen Reichs /  
 durch Germaniam Erbscanslern. Sodann dem durchleuch-  
 tigsten vnnnd Hochgebornen Fürsten vnnnd Herrn / Herrn Johan  
 Casimirn /

Casimir Pfalzgraffen bey Rhein/ Herkogen in Beyern/ rē.  
 Der Churfürstlichen Pfalz Administratorm/ vnd Tutor/ bey  
 den meinen gnedigsten Chur. Fürsten vnnnd Herren/ ganz vnver-  
 weilt Insinuieren/ vnd zu wissen machen/ vnnnd ist der vbergebene  
 vnd von mir abgelesene Appellation zedel an allen worten dieses fol-  
 genden Inhalts.

**W**IR Ernst Graffe vnd Herz zu Mansfeld der Erzh vnd  
 hoher Stifter Coln vnnnd Strassburg Thumbher/  
 Thun euch Notario/ vnd den darzu erbetenē zeugen/ für  
 vnnnd anbringen / wie das die Ehrwürdige Wolgeborne Her-  
 man Adolph Graue zu Solms/ Herr zu Ninsenberg/ vnd Son-  
 nenwald/ vnd Johann Freyher zu Binnenburg vnnnd Beyhel-  
 stein/ der Erzh vnd hohen Stifter Coln/ Trier/ Wirzburg vnnnd  
 Strassburg Thumbhern / rē. vnser freuntliche liebe Vettern  
 vns erschienen ein vnd zwenzigsten diß Monats Augusti zu vn-  
 ser allhieigen ankunfft berichtet / Das einer auß vnsern widerigen  
 Mitcapitularen/ als Graff Arnoldt von Wanderscheid vnzwei-  
 feulich auß seines Brudern des Bischoffen zu Strassburg anhes-  
 hung/ vnd der vberigen vnserer widerigen seiner adherenten an-  
 stiftung erschienen vier vnnnd zwenzigsten Monats tag Julij/  
 ein Keyserliches vbel außbrachtes Mandat / an des allhieigen  
 Münsters Pforten dem herkommen zu wider / auch einen Ersas-  
 men Rath der Statt Strassburg/ als dieses orts Obriegkeit vnser-  
 sucht Publicieren haben lassen / dessen befehls dann auch Origis-  
 nalien eins vns dieser tag zu lesen fürkommen. Ob nun wol  
 solch Mandat vns nicht gebürlicher weiß insinuierē/ noch kundt  
 gemacht / auch wie gedacht von vnsern gegētheilen eigēthelicher  
 weiß/ vnnnd an vngebürenden orten angeschlagen worden. Das  
 hero es dann auch an ihme selbst nichtig/ Jedoch/ weiln wir darin-  
 nen befunden/ das gedachter Bischoff / vnnnd vnser widerspens-  
 tige Mitcapitulares der Römischen Key. Mayt. vnserm aller-  
 gnädigsten Herrn/ mit verschweigung des Stiffts Langwürigen  
 herbrin:



herbringen / vnnnd der von ihnen zur vngewür erregten vnnötigen  
 streits ganker verlossenheit allerley vnerfindliche vnnnd erdichte  
 sachen angeben / Sonderlich aber bey höchstgedachter irer Mayes-  
 stat vnser Person / mit ersparter warheit zum hefftigsten verleumt  
 det / vnnnd sachen halben die sie nimmermehr auff vns / wie Recht  
 erweisen vnnnd darthun werden können / sondern sie an solchem  
 selbs schuldig / vns bezüchtiget vnnnd an vnsern one Ruhm zumel-  
 den / Gräßlichen wolherbrachten Ehren ganz verkleinerlich / so  
 vns keines wegs also stillschweigend hingehn zulassen gebären will  
 angriffen / als solten wir in eklicher von jnen angebenner vermeint-  
 lich Excommunicierten Personen gesellschafte den allhieigen  
 Bruderhoff einnehmen / vnnnd die darinnen gelegne fruchte / verkauf-  
 fen haben helfen / Auch wider des Stiffes Straßburg statuta,  
 vnnnd vnser dem Stiff geleiste Eid vnnnd Pflicht / wider des heiligs  
 Römischen Reichs auffgerichteten Religion vnnnd Prophan fris-  
 den gehandelt. Auch ihre vermeinte Geisliche Obrigkeit den  
 Papsst zu Rom / den Bischoff / Prelaten / vnnnd Capitul schmechlich  
 angetastet haben / alles nach laut des angezogenen precepti,  
 vnnnd also höchstgedachter irer Keyserlichen Mayestat Mandat  
 von gedachten vnsern widerigen per sub & obreptionem vnnnd  
 super falsis narratis mit verschwigener warheit / vnnnd dargebung  
 des Gezenspiels / vbel außbracht worden / vnnnd diese sache ohne das  
 ihrer art vnnnd eigenschafft nach für die Römische Keyserliche Ma-  
 yestat / Chur Fürsten Fürsten vnnnd gesambte Stände des Reichs  
 gehörig / als können wir keinen vmbgang haben an höchstermel-  
 te Keyserliche Mayestat / ad melius informandum / vnnnd die ges-  
 sambte Ständ des Reichs / derenwegen durch das erlaubte mittel  
 der Appellation / wie Recht vns zu beruffen / vnnnd innerhalb des  
 Decendij à tempore scientie für euch Notario vnnnd den erfor-  
 derten Herrn zeugen zu Prouocieren.

Anfenglichen aber thun wir vns für Gott vnnnd allen  
 denen welchen die billigkeit vnnnd warheit lieb / vnnnd dieselbis-  
 ge zubefürdern angelegen ist / hiemit außdrucklichen / vnnnd  
 ganz

ganz zierlichen bedingen vnd bester form Rechtens Protestieren/  
 das wir mit dieser verursachter / vnd inn allen Rechten zugelass-  
 ner Appellation/ vnnnd Prouocation im geringsten nicht gemeine  
 seyen der Römischen Keyserlichen Mayestat Dignitet/ vnnnd ge-  
 bürenden Hochheit/etwas hierdurch zu einziehen / oder vns / als  
 ein vngemittelter / vnd ihrer Mayestat vnnnd des Reichs Jurisdi-  
 ction vnderworffener Stand / des gebürenden gehorsambs zu  
 verweigern/sondern allein ihrer Mayestat vnderthemigst besen-  
 digern bericht der warheit zum besten zuthun / auß was vrsachen  
 wir vns von mehrgedachten vnsern vnruhigen fridhessigen der  
 Augspurgischen Confession verfolgern absondern müssen / auch  
 wie weit/ & quibus de Causis, wir vns inn disen sachen eingelass-  
 sen/vnd was bißhero von vns verhandlet / vnd fürgenossen wor-  
 den/als dessen wir gar kein schew tragen/sondern vns vnserer gu-  
 ten Consciens getrostet/das wir vns Gott lob der gestalt verhal-  
 ten/das wir einem jedern mit auffrechtem guten gewissen / vnder  
 die augen treten/vnd vnser vnschuld darthun können/so begeren  
 wir auch anders nichts/als das diese sachen / vngeachtet vnserer  
 Widerigen vnbillichen verweigerung ad Iudicem competen-  
 tem/Nemlich höchstermelte Keyserliche Mayestat/vnd gesamb-  
 te Stände des Reichs gelangen möge / der vngezweiffelten hoff-  
 nung vnd zuuersicht ihr Mayestat/werden vns allein dessen nicht  
 vngnädigst verdennen/sondern viel mehr in gnaden vermercken/  
 auch nicht gestatten vnnnd zugeben/ das wir als einer im Reich ges-  
 sessener Graff/der gestalt de facto sine preiua causa cogniti-  
 one, da wir noch nie gehöret worden/ sollen beschwerdt / an vnsern  
 Gräßlichen Ehren vnnnd Reputation zum hefftigsten ganz vers-  
 kleinerlichen angriffen/vnd als wann wir wider Eyd vnd pflicht/  
 wider Religion vnd Landfride gehandelt hetten/beschuldiget wer-  
 den/allein vmb der vrsachen willen das wir / als der inn Gottes  
 wort gegründter vnd im Reich zugelassener Religion Augspur-  
 gischen Confession zugethoner stand des Reichs / gewissen vnnnd  
 Ehren halben des Papsts zu Rhom vermeinte Bannbrieffe / das  
 vnsere Christliche Religion für Kegerisch vnd derselben be-

kenner für Ketzer außgeruffen worden / nicht haben gut heißen /  
billigen / vnd wider Augspurgische Confession verwandte / als  
vnser Religion zugehore exequieren helfen wollen.

Demnach doch mit vorbehalt vnser grauamina an gebür-  
renden orten weitleuffiger vnd mit mehrern außzuführen / setzen  
vnd sagen wir / wie dann mit den ergangenen Actis zuerweisen / vñ  
darzuthun / das zwar nit ohne / das vnser widerige Capitulares,  
vns anfanglich / als wir verschinen vier vnd achtzigsten Jars den  
eyffften Aprilis inn der Residenz / wie breuchlich vns eingestellt /  
durch drey Capitular Herrn beschicken lassen / der meinung / vns  
dahin zu Persuadieren vñnd zubereden / das wir neben jnen vnser  
re Bettern / vñnd Wittcapitularen die Graffen vñnd Herrn von  
Witgenstein / Solms vñnd Winnenberg vermög Päpstlicher  
wider jhr Liebde ergangener Bannbrieffe / darinnen sie doch wegen  
der im heyligen Reich zu gelassener Religion / Augspurgischen  
Confession für Ketzer / vnd also in den Bann erkent / solten von di-  
sem Stifte neben jnen excludieren / außschliessen / vnd solche Ban-  
brieffe wider jr Liebde exequieren helfen / darauff wir vns aber das  
mahlen / als der wir vns jederzeit zu der Augspurgischen Confes-  
sion frey offentlich / ohne allen schew bekennet / vñnd dessen die zeit  
vnser lebens / auch im geringsten niemahlen in abred gewesen /  
runderklärer / das wir gewissen vnd Ehren halbē / mit diser sachen  
nichts künden noch wolte mit jnen zuthun haben / damahlen auch  
gewarnet vnd vermahnet / nichts allhie anzufahen / darauff disem  
friedlichem Stifte ein vñrhue / vñnd dahero erfolgender schade  
vnd nachtheil entstehn möchte / inn andern sachen aber / wolten wir  
vns von jnen nicht absondern / sondern die jederzeit fürfallende  
geschäfte / vnserm besten vermögen vnd geringen verstand nach /  
wie wir vermöge vnser Eyd vñnd Pflicht / darmit wir diesent  
Stifte verwandte / zuthun schuldig / auch bis hero vnserm ver-  
hoffen nach geleistet hetten / behaueschlagen / vñnd des Stiffts  
nuz vñnd Ehr befürdern / vñnd dessen schaden fürkommen helf-  
fen.

Als aber vnser Widerige/mit dieser vnser erklärung vnnnd  
 entschuldigung nicht erhätig sein wollen / sondern als sie sich inn  
 mehrer anzahl bey einander gethan/ anfenglichs mit guten / folg-  
 gends mit Trawworten/inn vns tringen wöllen / das wir jhr von  
 etlich wenig Herrn den geschwornen Statuten / vnnnd dem her-  
 bringen zu wider/auffgerichte Decretum/ darinnen die Päpstli-  
 che ergangene Excommunication vnnnd verbannung / der ob-  
 gemelter dreyer Herren / ja derselbigen verkerung Ratificiert  
 worden/vnder schreiben / vnnnd derselben vns beppflichtig machen  
 solten. Wir aber bey vns befunden / das wir Ehren vnnnd gewis-  
 sens halben/ wolgedachte drey Graffen vnnnd Herren / als vn-  
 sere Vettern vnd Freund / Graffen vnnnd Herren Stands Per-  
 sonen / vnnnd Augspurgischer Confessions verwandte/auch mit  
 Capitulares nicht excludieren / außschliessen / verbannen vnnnd  
 verdammen / vnnnd dem Pappst zugefallen vnnnd gehorsam/ den  
 vermeinten Bann exequieren helffen / noch das Decretum we-  
 gen der Excommunication darinnen vnserer Augspurgi-  
 schen Confession zugethone pro haeticis erkendt worden / vns  
 vnder schreiben köndten/ inn dem wir selber ista subscriptione be-  
 kennen/vnd gleichsamb geschehen müßten/das vnser ware Christ-  
 liche Religion Rekerisch / ja wir als derselben Bekenner selbst  
 Reker weren / wir auch vermerckt / das / da dieses auff diesem  
 Stufft auffkommen solte / so doch nie also obseruiert worden/  
 das alle die ihenigen / so vom Römischen Pabst Excommuni-  
 ciert / von diesem Stufft abgeschafft solten werden / das hier  
 durch der weg gemacht würde / alle Euangelische Chur: Für-  
 sten / Graffen vnnnd Herrliche Heuser / von diesem Stufft dem  
 herkommen zu wider außzuschliessen / oder da man je vns /  
 neben noch andern zweyen im Capitel nur zum schein dulden  
 vnnnd leiden möchte/ wenn sie also drey Herren von der Reli-  
 gion abgeschafft/ sie volgends die vberigen / als inn geringer  
 anzahl leichtlichen vberstimmen / vnnnd vber forthellen möch-  
 ten ( wie wir dann dieser Päpstlichen Practicken zeitlich innen  
 worden) Also haben wir vns damahlen nicht einmahlen sondern

eilich mahlen erkläret/ das/ wie vns inn diesen ihren Päßstlichen  
 newerungen/so dem Stifft zu höchstem nachtheil gereiche würt/  
 jnen beyfall zuthun / gewissen vnnnd Ehren halben nicht gebürte/  
 also könden wir vns auch von obgedachten vnsern Vettern vnnnd  
 Freunden/als Graffen vnd Herrnstands Personen / vnnnd so der  
 Augspurgischen Confession verwandt vnd zugethan/nicht absönn-  
 dern/noch dieselbe/als vnser mit Religions bekennere/ verfezern  
 vnd verbannen helffen / köndten es auch zu vorderst gegen Gott/  
 als dann auch gegen die Stände Augspurgischer Confession/als  
 die hieran mit Interessiert/nicht verantworten.

Als wir auch letztlichen befunden / das ob sie wol vns nicht  
 außzuschließen gemeint sein sürgeben / sie doch heimliche winckel  
 Capitul dem herkommen zuwider gehalten/von vielen Delibera-  
 tionibus vns außgeschlossen / sonderlichen aber von der Wahl  
 jres vermeinten neuen Thumbdechants / vns abgewisen/ des  
 Stiffts Insigel vnd Schliffel/wann vns die Ordnung erreicht/  
 nicht mehr vertrauen/noch zustellen wölle/auch vnser vilfaltiges  
 warnen/vnnnd bitten / nichts helffen wöllen/sondern sie solche ihre  
 newerung zu Continuieren / vnd durchzutringen entschlossen ge-  
 wesen/auch letztlichen zugefahren / vns an vnsern Gräßtlichen  
 wolherbrachten Ehren/ ganz verkleinerlich / aber Gott lob mit  
 vngrund anzugreifen/sie auch ihrer selbst also vergessen / das sie  
 andern Leuten des jhenige/dessen sie sich selbst nachmahlen Thä-  
 ter gesehn müssen/ so mündlich / so schriftlichen/vnnnd also mit  
 gutem bedacht gezigten/dannenhher vns auch bedeucllich gewesen/  
 inn jrer gesellschaft lenger zu sein/ derowegen haben wir vns von  
 ihnen abgesöndert/des verhoffens / es werde vns kein Ehrliebens-  
 der / vnnnd der der sachen im grund berichte/ dessen mit nichten ver-  
 dencken / noch vns als die wir wider vnser gewissen nicht haben  
 handeln wöllen dessen verargen. Vnd wiewolen wir / als vnser  
 Vettern sich ihrer Possession des Brüderhoffs geneheret/das  
 mahlen nicht allhier gewesen / so haben wir doch neben obgedach-  
 ten vnsern Vettern diesem der Päßstlichen Capitularn sürhaben/  
 newerungen vnnnd Practicken nach vnserm vermögen widerstan-  
 den.

den/vnd abwehren helffen. Wie wir vns dann auff die hinc inde  
 ergangene Acta geliebter fürge wegen / hiemit Referieren/vnnd  
 hiehero erhole thun / als darinnen sich der sachen warhafftige ver-  
 lauffenheit befinden würt / vnd das wir nichts anders fürgenom-  
 men/oder von vns verhandlet worden/als darzu vns vnser gewis-  
 sen/vnd Eyd vnd pflicht gewisen / vnd das wir weder wider Reli-  
 gion noch Landfriden gehandelt/vnd were je selzam zu vernemmen/  
 wann dieses im Reich Teutscher Nation vnserm geliebten Vat-  
 terlande auffkommen solte/das alle die ihenige / so des Pabsts Bul-  
 len/Censuren / vnd verbot / darinnen die Augspurgische Confes-  
 sion für Ketzerei außgeschrien würt/gewissens halben nicht gehor-  
 sammen/noch dieselben gut heissen wollen / für Eyduergeessene/  
 Religion vnd Landfridbrüchige/sollen gehalten werden / würt den  
 also keine / oder je gar wenig im Reich der Augspurgischen Con-  
 fession verwandte Stände befunde werden/die diser vn dergleichē  
 zulagen nicht auch bezüchtiget/vnnd beschuldiget künden werden.

Das wir aber bey der Keyserlichen Mayestat beschuldiget/  
 als solten wir die höchste Geystliche Obrigkeit/als den Pabst/den  
 Bischoff/ Prelaten vnnd Capitul schmechlich angetastet haben/  
 seind wir ansenglich/ das der Pabst vnser Geystliche Obrigkeit  
 nicht gestendig / würt es auch kein Augspurgischer Confession  
 verwandter Stand nimmermehr gestehn / dann wir dem Pabst  
 zu Rhom vns niemahlen mit Eyden verpflicht gemacht / son-  
 dern denselben jederzeit für den ihenigen gehalten / wie inn vnser  
 re Christliche Religion Augspurgischer Confession / auß Gött-  
 licher schrift erkennen lehrnen/vnnd haben auch anderst von ihm  
 nicht reden künden / all dieweilen er vnserer Religion zugethone/  
 als hæreticos vnd periuros, außgeruffen / vnd also vns vnd an-  
 dern zuuerantwortung ursach geben / inn gleichen den der Herz  
 Bischoff/vnd vnser Widerige/als die vns an vnsern Ehren zum  
 hefftigsten angreifen/verfolgen / vnnd vnserer Personen verstri-  
 ckung/deren sie doch besser würdig / bey einem Erbarn Rath der  
 Statt Straßburg, mit vnersündliche von vns auß gegebenen traw-  
 worten/so wir mit beistand widerlegt/vn vom gegentheil nie wider

sprochen/ gesucht haben/ das also/ was von vns beschehen non of-  
fensiuē, sed defensiuē, von vns hat fürgenossen müssen werdē.

Wann nun dise sachen/sonderlichen so viel vnser Person be-  
treffen thut/höchstgedachter Key. May. der gestalt/ vnd wie sie in  
warheit nicht anders beschaffen/werē anbracht / auch jrer May.  
des herbringens auff diesem Stiffe / wie bißhero solche Pabstliche  
Excōmunicaciones nit mehr breuchlich gewesen/ noch jemahlē  
der gestalt exequirt wordē/sonderlich wider Religions verwante  
Fürsten/Graffen vnd Herrn/so jederzeit für vnd nach auffgerich-  
tem Religionfride/nun in die sechzig Jar geduldet/ weren berich-  
tet worden/zweifeln wir gar nicht/sondern machē vns das gewisse  
vertrauen/ire May.wurden solche geschwinde/vnnd den Stāns  
den Augspurgischer Confession ganz nachtheilige Mandata/wi-  
der vns nicht erkennet/noch sich vnser gegentheil/vnrhūwige Frid-  
hessige newerungen gefallen haben lassen.

Diueiln aber jr May. wie gedacht von vnserm gegentheil/  
mit verschwigener warheit/vnnd weit anderst/ als die sachen im  
grund beschaffen/sonderlichen aber so vil vnser Person belangen  
thut/von vnsern Widerigen bericht vnd Informiert worden/wie  
dasselbige mit mehrern in angeregten Actis, auch vnserer Bet-  
tern Graff Herman Adolffen von Solms/vñ Johanssen Frey-  
hern zu Winnenberg/wider gedachtes Mandat Interponierte  
Appellationibus, der lenge nach genugsamlich außgeführt wor-  
den/die wir dan hiehero Requetieren / auch solche vnser grauami-  
na in deductione causæ, weiter dargethon sollen werden/ dessen  
wir vns per expressum hiemit vorbehalten / diese sacht auch jhrer  
art/vnd gelegenheit nach/für ire Key. May. vñ gesamppte Stāns  
des Reichs gehörig.

Dem allem nach so beruffen/Prouocieren vnd Appellieren  
wir nach form der Rechten / wie solches am bestendigsten jüner ge-  
schehen solle/fan oder mag / von diesem vbel außbracht / vnnd vns  
ganz beschwerliche Mandat/vñ also à Cæsarea Maiestate male  
informata, ad melius informandam, an Churfürsten/Fürste/  
vnd gesambte des heyligen Reichs Stānde/aller Vnderthenigst/  
Vñ

Vnderthenigst/Vnderthenig/freundlich vnnnd günstig bittend/  
 es wöllen ire Key. May. ire Chur vnd Fürstliche Gnaden Liebden  
 vnd gunsten/nicht gestatten noch zugeben/das wir pendente lite  
 weil dise vnser notwendige Appellation Interponiert worden/  
 wider oder ohne Recht/nicht vergwaltiget/nach dergestalt/wegen  
 der bekantnuß/der im heilige Reich Teutscher Nation/durch den  
 Religionfriden zugelassener Religion solten an vnsern Gräffliche  
 Ehrē verkleinerlich/nouo & planē inaudito exemplo angrif-  
 fen werden/auch nicht in vngnaden/vñ vngutem verdencken/das  
 wir vns des Römischen Pabsts inn diesem Stiffte nicht mehr ge-  
 breuchlichen/sondern wider Euangelische Fürsten/Graffen vnd  
 Herrn vorlengest durch den Religionfriden abgeschafften Bann  
 vnd Excōmunication nicht beipslichtig haben machen vnd exe-  
 quiren helffen/nach vnser mit Religions verwante / als Kezer  
 verbannen vnd verfolgē/nach auch vnser ware Christliche Reli-  
 gion/darinnen wir von jugend auff/von vnsern liebe Eltern erzo-  
 gen/die wir auch/als wir zu mehren Jare können/in Gottes wort  
 gegründet befundē/als ein Kezeren haben haltē wöllen noch könnē.

Vnderwerffen auch vns/vnser haab vnd güter/höchstgedach-  
 ter Römischer Key. May. vnd gesambter Ständ des H. Reichs/  
 schutz/schirm/vnd protection,darinnen wir / als ein Graff zu  
 Mansfeld ohne das von den hochlöblichsten Keysern vnd Könige  
 irer May. Vorfahren/als auch von der jetzigen Key. May. selbst  
 lauth derselben vns gnädigst mitgetheilte schutz vnd schirmbrieff  
 auffgenossen sein/vñ ersuchen euch hierauf offenbaren Key. No-  
 tarium/das jr dise vnser Appellation mit fleiß ad notam nemmen/  
 vñ vns darüber eins oder mehr Instrumenta zu vnserer noturffe/  
 vmb die gebür aufrichte/verfertigen/vñ dieselbe dem hochwürdig-  
 ste Fürste vnd Herrn/ Herrn Wolffgange/ erwöltem vñ bestettig-  
 tem zu Erzbischoffen zu Menns/Churfürste/als des H. Römische  
 Reichs durch Germanien Erscanglern. Folgends dem Durch-  
 leuchtigsten/Hochgebornē Fürsten vñ Herrn/ Herrn Johān Cas-  
 simirn Pfalzgraffen bei Rhein/der Churfürstliche Pfalz Admi-  
 nistratori vñ Vormündern Hertogē in Bepern/ıc. beide vnsern  
 gnä



36  
gnädigste Ehur/Fürsten/vñ Herrn/gebürlicher weiß Insinuieret.  
Actum Straßburg/den acht vñnd zwenzigsten Monats/  
tag Augusti im Jar der Seligmachenden geburt/ fünfzehnhun-  
dert/achsig vñnd fünff Jar/2c.

Ernst Graff vñd Herr zu Mansfeld.

**E**schehen seind dise ding im Jar Indiction, Key. May.  
Regierung/Monat/tag/stund vñd ort / als zu anfang dis-  
ses Appellation Instruments Inseriret ist/ inn Personli-  
cher gegenwertigkeit/der Edlen/Ehrnuesten/Hoch vñd Wolges-  
lehrten/auch Mannhafften/Fürnemmen vñd Aichtbaren Herren/  
Frideriche von Brandt/des Jüngern/Nicolai Gerbelij Licentia-  
ten/vñd Johaſſi Stromers beider Rechte Doctoris/Carle Heuß-  
manns/Johaſſi Hohenawern/der Statt Straßburg besteltē Haupt-  
manns/Johann Dieterich Edlings / Martin Hartmans/Mis-  
chael Böringers/aller dreyer Keyserlicher Notarien vñd Burger  
der Statt Straßburg/auch Petri Wafers von Cronenburg/  
in diser beruffung mit fleiß erforderter Zeugen.

**I**n diereilich Leonhart Seiz von Günsenhausen/ an-  
der Almon Eystetter Bischoffs/vñ in Marggraffischer  
Brandenburgischen Herrschafft gelegē/auß Röm. Key.  
May.meines Allergnädigsten Herrn gewalt vñd macht offenba-  
rer geschwornen / vñd am hochloblichen Keyserlichen Caiffierger-  
richt zu Speyer Approbiert vñ Jūtricularter Notarius, Bur-  
ger vñd Ehegericht schreiber der Statt Straßburg/wolermelten  
meines gnädigen Herrn von Mansfelden Appellationzedel em-  
pfangen / vorgelēsen / vñnd seiner Gnaden grauamina neben  
den Adenlichen vñd andern glaubwürdigen Zeugen vernommen/  
vñd andern bei disem Actu verloffnen handlungen eigener Person  
zugegen gewesen/hab auff gnädiges vñ gebürliches erfordern / ich  
alles in notam genossen/darauff dis Instrument durch einē an-  
dern/weilich geschafft halben dauon abgehalten/ mit fleiß geschri-  
ben/aber dasselbige mit meinem Lauff vñnd zunamen / auch ge-  
wontlichem Notariat Signet subscribiert, vñd bezeichnet/zu sol-  
chem pro testimonio insonders beruffen vñd erbitten.

So im Namen des Ehrwürdigen/Wol  
gebomen Herrn / Georgen von Seyn / Graffen  
zu Wittenstein/Herrn zu Homburg/Thumbprobsts des Erz  
stifts Cölln/ Trier vnnnd Strassburg Thumbherrn/ Durch obgedach  
te Graffen vnd Herrn von Solms/Winnenberg/vnd Mansfeld/  
Krafft habenden gewalts coram Notario vnd  
zeugen beschehen/ ic.

**I**n dem Namē heyliger Drey  
faltigkeit / der waren einigkeit Amen.  
Küde vnd wissend seye jedern ansehen  
vnd hörern dises offenen Instruments/  
Dz als man zalt nach Christi vnsers lie  
be Herrn vnd erlösers geburt fünffzehē  
hundert achtzig vnnnd fünf jar / in der  
dreyzehenden Röm̄er Zinßzal Indictio  
zu Lateinischer Sprachē/auff Adolphi Sontags der da gewesen ist/  
der neun vnd zwenzigste tag des Monats Augusti/zwischen zwey  
vnd dreyen vhrē nach Mittag / Bey Regierung des Allerdurch  
leuchtigsten/großmächtigsten Fürsten vnd Herrn/Herrn Rudol  
phi dises namens des andern / erwölte Röm̄ischen Keyfers/ zu allē  
zeiten/mehrern des Reichs in Germaniē/zu Hungern/Böhem/  
Dalmatic/Eroaticn vnd Sclauoniē/ic. Königs/Erzhherzoge zu  
Oestereich/Herzogs zu Burgundi/Lügelburg/Brabant/Kern  
ten/Eram vnd Wirttemberg/ic. Grauens zu Tyrol/vnsers Aller  
gnädigste Herrn/vnd von zeit an irer Key. May. Reichs des Rō  
mischen vnd Böhemischen im zehenden / vnd des Ungersche im  
dreyzehenden Jare/in eines hoch vnd Ehrwürdigen Thumbcapit  
tuls hoher Stifft Strassburg Bruderhoffe / vnnnd daselbst in der  
ordentlichen vnd gewonlichen Capitelstuben / in eignen Personen  
erschinen sind: die Ehrwürdigen vnnnd Wolgebomen Herren/  
S

Herrn Hermã Adolph/ Graffe zu Solms/ Herr zu Münzeberg  
 vnnnd Sonnenwald/ dieser zeit dem herkommen nach Decanats  
 Statthalter/ Johã Freyher zu Winnenberg vnd Beyhelstein/  
 vnd Ernst Graffe zu Mansfeld/ der Ers vñ hoher Stiffi Colln/  
 Trier/ Wirzburg vñ Straßburg respectiue Thumherm meine  
 gnädige Herrn/ die liessen durch den Ehrnueste vnd Hochgelehrte  
 Herrn Nicolaum Gerbelium beider Rechte Licentiaten fürbringē/  
 wie der auch Ehrwürdig vnd Wolgebom Herr/ Herr Georg von  
 Sain/ Graffe zu Witgenstein/ Herr zu Homburg vnd Thumb  
 probst zu Colln/ zu Trier vñ Straßburg Thumherr irer gnaden  
 freundtlicher lieber Herr vnd Better beständiglichen berichtet/ das  
 bei der Röm. Key. May. vnserm Allergnädigsten Herrn/ sonder  
 zweiffel durch des Herrn Bischoffen zu Straßburg/ vñ dessen ad-  
 herentē ein Mandat vñ befelch sub & obrepticie außgebracht/  
 dadurch ire gnaden neben andern anhangendē/ vnleidenlichen be-  
 schwerde/ der bei dem Straßburgische Hohen Stiffi on rhum zu  
 melden/ wolhergebrachter possession priuirt werden wolten / so  
 wurden ire Gnaden höchlich geursachet/ von solchem Keyserliche  
 befelch zu Appellieren/ wañ aber ihre Gnaden auß allerhand obli-  
 genden Ehehafften dise fürhabende Prouocation vnd bedingung  
 fürzueinē gehinderet. So wolten ire Gnaden wol vnd obange-  
 regten dreyn Graffen vñ Herrn/ als derselben freundliche lieben  
 Bettern vollkommene macht vnd gewalt/ vor Notario vnd Zeugen  
 an gebürende ort zu Prouocieren/ gegeben/ vñ denen alle irer Gna-  
 den/ so viel deren hierzu vonnöten/ Haab vnd güter zu gebürlicher  
 Caution/ vñ sicherheit zum Rechten Hypoteciert/ vnd hiemit ver-  
 schriben haben/ laut fernern Papyren/ vnnnd durch wolermelcten  
 Herrn beiligendē/ vnder schribnen/ vnd verbieschierten Mandats/  
 das wir Notarij vnd Zeugen auff vorgehendes requirierē bona  
 fide recognosciert vnnnd verlesen/ fahet dieser gewalt mit diesen  
 worten an.

**W**ir Georg von Sain/ Graffe zu Witgenstein/ Herr zu  
 Homburg/ vnd Thumprobst zu Colln/ re. Thumkunt  
 vnd bekennen/ nach dem wir in glaubwürdigē erfahrung  
 kossen/

39

Können/das auff vngeweißelt vngestüm anhalten des Herrn Bischoffs zu Straßburg vnd seines anhangs/ꝛ. vnd endet sich also. Vnd dessen zu vrfundt der warheit/haben wir Georg von Sain/Graff zu Witgenstein/ꝛ. obgemelt/vnser angeborn Putschaffe auff's spacium dieser vollmacht gedruckt/vnd vns mit eignen hantden vnder schribt/welche gegeben ist zur Berleburg am vierzehenden Augusti/Anno 1585. Georg/ꝛ.

Disem nach hat Ehrngemelter Herr Licentiat Gerbelius einen Papyrnen Appellation Zedel abgelesen / mir den behändiget/mich meiner Notariat pflicht/in namen wol ermatter Herren Gewalthaber gebürlichen ermahnet/vnd begeret solchen zu Procollieten/vnd darüber eins oder mehr Instrumenta / vnd so viel deren wolgedachter mein Gnädiger Herr von Witgenstein von nöten auff zurichten/vnd dan vnuerzogenlich dem Hochwürdigsten Fürsten vnd Herrn/Wolfgang erwöltem vnd bestetigttem zu Erzbischoffen zu Meins vnd Churfürsten/als des heyligen Römischen Reichs / durch Germanien Erzcanslern / als dann auch dem Durchleuchtigsten vnd Hochgebornen Fürsten vnd Herrn/Herrn Johann Casimirn Pfalzgraffen bey Rhein/vnd Herzogen in Beyern/ der Churfürstlichen Pfalz Administratori vnd Tutori beiden meinen Gnädigsten Chur: Fürsten vnd Herrn vnderthenigst zu Insinuieren / was auch mir inn antwort begegnen vnd widerfahren werde / zu Referieren / vnbeswert zu sein/vnd ist dieses der angedeute Appellation zedel.

**W**ir Herman Adolff Graffe zu Solms/ Herr zu Mündenberg vnd Sonnenwald / der zeyt Decanats Statthalter allhie / Johann Freyherr zu Winnenberg vnd Beyhelstein / auch Ernst Graffe vnd Herr zu Mansfeld / alle der Erb vnd Hohen Thumbstiffi Colln/ Trier/ Würzburg vnd Straßburg respectiuè Thumbhern/ꝛ. Erscheinen vor euch offenem Key. Notario / vnd euch den hierzu inn sonderheit erpetenen glaubwürdigen Gezeugen / vnd können euch

für vnd anzubringen nicht vmbgehn / Das der Ehrwürdig vnd  
 Wolgeborne Herz/ Herr Georg von Seyn/ Graffe zu Wigen-  
 stein/ Herz zu Homburg/ıc. Thunprobst zu Coln/ auch zu Trier/  
 vnd Straßburg Thumbher/ıc. vnser freundlicher lieber Vetter  
 vns nechster tage / durch einen sonderbare schriftliche vnder schrit-  
 bene vnd besigelten gewalt/ (dessen Original wir euch zu desto bes-  
 serer Legitimierung vnserer Personē hiemit vberreichē thun/ Des-  
 sen Anfang ist/ Wir Georg von Seyn/ıc. vnd dessen Das-  
 tum stehe: zur Berleburg den 14. dieses nochlauffende  
 Monats Augusti, freundlich zu erkennen geben/ Nach dem sei-  
 ne Liebde in glaubwürdige erfahrung koñnen / das auff vngeweis-  
 felt vngestärktes anhalten des Herren Bischoffen zu Straßburg/  
 auch andern seines vns widrigen anhang / vnlangster tagen / von  
 der Röm. Key. Mayt. vnserm allernädigstē Herrn ein Keyserli-  
 cher befehl alhier an eine Münster Thüren angeklebt worden/  
 darin vnter andern nit allein menniglichen verbotten S. L. wie nit  
 minders auch vns vnsern bisshero Rechtmessigen gebrauchte Ti-  
 tul zugeben/ keinen gehorsam zuleisten / auch die vns angehörige  
 Zins/ fruchten vnd gefelle nicht mehr verfolgen vnd werden zulaf-  
 sen/ sondern S. L. auch darin ex mala informatione ihrer Key.  
 May. an dero (ohn Rum zumelden) wolhergebrachte Gräffliche  
 Reputation vnd ehren neben vns S. L. mitbetrangte Capitulas-  
 ren zum höchsten beschwerd / vnd dahero georsacht worden seyen/  
 Dero L. notturfft dargegen einzuwenden. Jedoch mit vorgehen-  
 der austruckentlichen erklärang aller höchstgedachter Key. May.  
 vnserm Allernädigstem Herrn/ an dero Key. May. reputation  
 vnd hoheit hierdurch nichts nit zu Derogieren/ oder auch einiges  
 gebürliche gehorsams zuverweigern / vnd aber sein L. anderer ehes-  
 haffter geschäftten halber verhindert / solches selbs Persönlichen  
 zuuerichten.

Das sein L. demnach vns vollkoñnen macht vnd gewalt geben  
 vnd zugestelt / auch insonderheit ersucht vnd gebetten haben wolte  
 das.

das wir sambt vnd sonders von S. L. wege vnd in dero namen vort  
gedachtem vnserer gegenheil mit verschwigener warheit sub &  
obreptitiē vbel außbrachtem Rey. precepto, vnd andern S. L.  
wie auch vns darauff eruolgende Preiudiciertlichen beschwerunge  
vor Notarien vnd gezeugen an gebürende ort vnd ende Appellierē/  
solches verinstrumentieren/ auch die Appellation/ wie Recht/ vnd  
an gehörige ort fürderlichst Insinuieren lassen solten/ vnd wolten  
alles mehrern Inhalts obgedachtes S. L. vns vberschickte Origina  
l gewalts/ darauff sich geliebter fürze wege hiemit Reserierede.

Wan wir dann solch seiner L. suchen für hochnötig auch billlich  
erachten/ vnd deswegen S. L. (als die wir zugleich mit dero Liebd  
beschwerde) freund vnd Betterlichen/ solches nit abschlagen köns  
nen noch sollē/ Hierumb so Appellierē vnd beruffen wir vns in ab  
lerbesten vnd bestendigsten Form Rechtens/ es Jürer beschehe soll  
kan oder mag/ in namen vnd von wegen seiner L. in krafft obbemel  
ten/ vnd euch Notario behändigten Original gewalts/ allerdings  
ebenermassen vnd gestalt/ wie von vns vorgemeldetem Herman A  
dolpho Graffen zu Solms/ Sambstags vltima Iulij nechstverz  
schienen Monats/ von vns Johann Freyherm zu Winnenberg  
Sambstags den vierzehenden huius. Auch leztlichen von vns  
Ernstien Graffen vnd Herrn zu Mansfeld/ den acht vnd zwenzig  
sten huius vor euch Notario albereit beschehen ist/ vnd wir gelieb  
ter fürze wegen hiehero allerdings Repetieren/ vnd erholen thun/  
à dicta Imperatoria maiestate malè informata, ad eandem  
melius informandā. Vnd an alle Churfürstē Fürstē Graffen/  
Herrn/ vnd also gesambte Stände des heiligen Römische Reichs  
Teutscher Nation/ als one das diser sachen vnnnd dero besorgender  
Consequens Competentes Iudices/ mit abermals vnderwerf  
fung irer Rey. May. vnd gesambter Stände des heiligen Reichs  
protection S. L. Person. Haab vnd güter/ des getröstes/ hierüber  
pendente interposita appellatione ober die billigkeit ferners  
nicht beschwerde vnd grauiert zuwerden.

Requirieren vnd ersuchen hierauff abermals euch Notariū

in beysein der erbetteneu gezeugen/ Das jr auch dise vnserē von S. L. wegen in krafft gewalts fürgenomene Appellation der gebür ad notam nemet/ S. L. oder vns darüber eines oder mehr Instrumenta/ fouil wir deren nothurfftig sein werden/ vmb die gebür vrsfertigen/ vnd dann dem hochwürdigsten Fürstē vnd Herrn/ Herrn Wolffgange erwöltem vñ bestätigte zu Erbbischoffen zu Meins vnd Churfürsten/ als des heiligen Römischen Reichs durch Germanien Erbkanslern/ rē. vnd dan auch dem durleuchtigste/ Hochgeborne Fürstē vnd Herrn/ Herrn Ioan Casimirn Pfalzgraffen bey Rhein/ Herzogen in Beyerne/ rē. der Churfürstliche Pfalz Administratori vnd tutori/ Beyden vnsern gnädigsten Churfürsten vnd Herrn/ rē. wie Recht vnd auffs fürderlichst injunieren wollen.

Zu Urkundt mit diesem vnserm hiesiuro getruckten Secree vnd handschrefflichen subscription bekräftiget. So geben vnd geschehen auff Sontag den neun vnd zwenzigsten Monats Augusti/ Anno/ rē. Achtezig vnd Fünff/ rē. Herman Adolpff Graff zu Solms/ Johans Freyherr zu Winnenberg vnd Beyhelsstein Ernst Graff vnd Herr zu Mansfeld.

Alle dise ding sind zugangen vnd beschehen auff Jar Indiction Monat/ Tag stund vnd ende/ wie ob laut/ in Persönlicher gegenwertigkeit der Edlen/ Ehrnuesten/ Ehrngeachten/ fürnemmen/ vnd Erborn Friderichen vom Brand des Jüngern/ Berhardten Jobins Buchruckers zu Straßburg/ Martin Hartmans/ vnd Michael Böringers beyder Keyserlichen Notariē daselbsten/ hiers zu mit sondern gnaden gebetten vnd erforderten zeugen.

Vnd ich Leonhart Seiz von Guntzenhausen an der Almon Eystetter Bistums/ vnd in Marffräffischer Brandeburgischer Herrschafft gelegen ein offen geschworner/ vñd am hochloblichem Keyserlichem Cammergericht zu Speyr admittiert vñd approbierter Notarius/ Burger zu Straßburg/ wann ich mit vnd sambt den vorgeschribenen gezeuge bey oberreichung obangeregter vollmacht/ vñd Appellation Zeduls/ Auch seglichen andern darbey

43

dabey verloffnen handlungen gegenwertig gewesen/ dieselbige als  
te gesehen/ gehört/ asumiert/ empfangen/ vnnnd verrichtet. Dar  
umb so hab ich dis Instrument angestalt / aber durch einen vers  
trawten andern meiner Amptsgeschafft halben Ingrossiert / jes  
doch mit selbs handen namen / Notariat zeichen/ vnnnd eig  
nem Insigel / zu ungezweiffelter vrlund subsig  
niert/ vnder schriben / vnnnd verwaret/  
darzu sonderlich beruffen  
vnd erbitten.  
(:)





Was gestalt dem Hochwürdigsten Für-  
 sten vnd Herrn / Herrn Wolffgange Erzbischoffen  
 zu Meins vnd Churfürsten / als des heiligen Römischen Reichs  
 durch Germanië Erkeantzern / so dan auch dem durchleuchtigste Hochge-  
 bornen Fürsten vnd Herrn / Herrn Joan Casimir / Pfalzgraffen bey  
 Rhein / Herzogē in Beyern / als der Churfürstliche Pfalz Administratori  
 vnd Vormündern /c. Die vier vnterschiedene obgemelte der Graffen vnd  
 Herrn / von Witzenstein / Solms / Winnenberg vnd Mansfeld /c.  
 Durch Leonhart Seizen einen offenbaren geschwornen Key-  
 serlichen vnd am Camergericht zu Speyr Immatri-  
 culierten Notariū / vnd Burgern zu Straß-  
 burg ist verkündt vnd Insinui-  
 ret worden.



**M** Namen vnsers lieben Herrn /  
 vnd Gottes Amen. Kunde vnd offenbar  
 seye allermenniglich / durch dieses gegenwer-  
 tig offene Instrument / das in dem Jar / als  
 man nach Christi Jesu vnsers Herrn vnd ei-  
 nigen Seligmachers gnadenreichen geburt  
 zalt / Tausent / Fünffhundert / achtzig vnd  
 fünf / in der dreyzehenden Röm̄er Zinhszal / (zu Latein Indictio ge-  
 nant) Vnser Herrschung vnd Regierung des aller durchleuchtigste /  
 großmechtigsten Fürsten vnd Herrn / Herrn Rudolphi dieses Na-  
 mens des andern / Erwölten Römischen Keyfers / zu allen zeiten  
 mehrern des Reichs / in Germanië / Hungern / Böhem / Dalma-  
 tien / Croatien vnd Sclauonien /c. Königs / Erzherrzogē zu Des-  
 sterreich / Herrzogē zu Burgüdi / Steir / Kerndt / Crain vnd Wir-  
 tenberg /c. Graffens zu Tyrol / vnsers allernädigste Herrn / sei-  
 ner Key. May. Regierung / der Römischen vnd Böhemischen  
 im zehenden / vnd des Vngarischen Reichs im dreyzehende Jar /  
 Auff

Auff Sambstag den 11. Monats tag Septembris/  
 zwischen acht vnd neun vhren vormittem tag / hab ich vor vnd  
 nachbenanter offen Notarius/auff gnädig vnd gebürliches an-  
 suchen vnd erfordern/ des Ehrwürdigen vnd Wolgebornen Her-  
 ren/ Herrn Herman Adolphen Graffens zu Solms/ Herrn zu  
 Münsenberg vnd Sonnenwald/ dieser zeyt dem herbringen nach  
 eines Hoch vnd Ehrwürdigen Thumcapitels hoher Stiffe  
 Straßburg Decanat Statthalters obgeschribene Appellation/  
 neben der auch Ehrwürdigen vnd Wolgebornen Herrn / Herrn  
 Johannsen Freyherrns zu Winnenberg vnd Beyhelfstein/ Herrn  
 Ernstens Graffen vnd Herms zu Mansfeld/ vnd dann Herrn  
 Georgen von Seyn Graffens zu Witgenstein vnd Herrn zu  
 Homburg Thumprobsts zu Eölln/ vnd aller dreyer der Erz vñ  
 hohen Stifter Eölln/ Erier/ vnd Straßburg Thumbhern meis-  
 ner gnädigen Graffen vnd Herren/ sonderbaren Appellati-  
 bus, dem Hochwürdigsten Fürsten vnd Herrn/ Herrn Wolffs  
 gang/ erwöhltem vnd bestetigtem zu Erzbischoffen zu Meins  
 vnd Churfürsten/ als des heyligen Römischen Reichs durch Ger-  
 manien Erzeanslern zu Insinuieren begeret/ dieweil sich aber ire  
 Churfürstliche Gnaden / wie mir derselben hernach benandte  
 Rhät vnd Dienere günstiglichen vermeldet / leibs blödigkeit hal-  
 ben ein zeitlang ingehalten / vnd noch niemand anhören können/  
 erkläret/ den Ernuesten/ Hoch vnd Wolgelehrten Herrn Johann  
 Dapn der Rechten Lehrern / vnd Peter Kreuchen Secretario/  
 als darzu von Hochgedachtem Churfürsten vnd Erzeanslern  
 durch Germanien/ inn sonderheit Deputiert vnd Abgeordneten/  
 auff beschehene vnderthenigste Salutation, mit vier vnder schids-  
 lichen vnd von mir Notario subscribierten, versigleten / vnd  
 mit schwarz vnd gelber seyden zusammen gebundenen glaubwürdi-  
 gen Copeyen verkündiget/ vnd zu vngeweißeltem wissen gethon/  
 auch mich gegen solchen überreichten Copeyen/ die vier Original  
 Appellation Instrument öffentlichen vorzulesen/ mit gebürlicher  
 schuldiger Reuerenz/ vnderthenigst anerbottet/ darfür aber Ehrns


gemelter Herr Doctor Dayn gebetten/vnnd das ich ihm die Originalia/solche seinem gnädigsten Churfürsten vnd Herrn für zu zeigen haben/zustellen wolte / begeret/welches ich zu gewinnung der zeit/doch der gestalt das mir die Originalia (dessen ich als bald vber ein stund verträset) bona fide widerumb relaxiert vnnd behändiget würden/verwilliget / die seind mir auch darauff vnnd nemlichen zu halb zehen vhren/ oben auff dem Gang / vor der Cansley / durch den fürnemmen Christoff Luzen/Meinzigischen Bottenmeister vberantwortet / vnnd die Abschriften von Hochgedachtem meinem gnädigsten Churfürsten / vnnd seiner Churfürstlichen Gnaden Räten / wie angenommen/also auch gnädigst vnnd gutwilliglichen bey der Cansley behalten / aber mir auff mein Vnderthenigst vnnd fleissig sollicitieren von ermelttem Christoff Luzen dem Bottenmeister kein andere antwort/dann das ich nun mehr hiemit abgefertiget sein solte / gegeben worden / Geschehen seind diese ding zu Aschofenburg / obenauff inn des heyligen Reichs Cansley/im Jar/Indiction / Monat/tag vnnd Keyserthumb / wie oben eygentlich geschriben stehet. Dessen ich inn sonderheit zu kundschafft gebetten vnnd ermanet die Ehrhafften / Wolgelehrten vnnd Erbaren Pantaleonem Boischen Keyserlichen Notarium vnnd Inwohnern zu Strassburg/ vnnd Thoman Eckhardt den Schreiber von Schlackenwald.

Mit solchen mehr vnnd wolernanter meiner Gnädigen Graffen vnnd Herrn von Witgenstein/Solms/ Winnenberg vnnd Mansfeld protestationibus, prouocationibus, vnnd beruffungen / bin ich ob vnnd nachgeschribener Notarius auff Mittwoch den fünfzehenden besagts Monats Septembris / gegen Abend / zu Heydelberg ankommen / inn willens die darauff nächstfolgenden Donnerstags/den sechzehenden eiuudem dem Durchleuchtigsten vnnd Hochgebornen Fürsten vnnd Herrn/ Herrn Johann Casimirn Pfalzgraffen bey Rhein / Herzogen in Bepern/ıc. Als Churfürstlicher Pfalz Administratori, vnd Tutori,

47

Tutori, meinem Gnädigsten Fürsten vnd Herrn zu Insinuieren  
vñ zu rechtem wissen zumachen/ wann aber ihre Fürstliche Gna-  
den vor eilich eagen anders wohin verrucket/ seind auff mein Vn-  
derthemigstes ansuchen von den Anwesenden Herrn Cansler vnd  
vberigen Rhäten/ Donnerstags den sechzehenden bemelds Mo-  
nats Septembris am morgen zwischen acht vñnd neun vñhren/ zu  
mir abgeordnet worden/ die Ehrnuesten für vñnd Ehrngeachten  
Herrn Johann Rauffmann vnd Heinrich Cärben beide Hoche-  
nanter Churfürstlichen Pfalz/ vnd derselbe Administration Se-  
cretarij/ gegen denen hab ich meinen beuelch verrichtet/ vnd ihnen  
auff jr begeren die vier vnderschiedliche vñ libellierte Appellation  
Instrumenta/ sampt den von mir subscribierten, Sigillierten/  
vnd mit gehl vñ schwarzer Seiden auff Pappyr zusammengeheftē  
Copeyen/ zu gebürlicher Collation vnd abhörung behändiget/ da  
mir obgedachter Herr Johann Rauffmann Secretarius die vier  
Originalia zu dreyn vñhren gegen abend / oben vor der Cansley  
stuben widerumb zugestellt vñnd weiters vermeldet/ das abwesend  
seines gnädigste Fürsten vñ Herms Herzog Johann Casimirns  
als Churfürstlicher Pfalz Administratoris / die hinderlassene  
Herren Cansler vnd Rhäte mein heut morgē verkündt vnd Pres-  
sentierte Copeyen günstiglichen angenommen/ mit den Original-  
libris abgelesen/ vnd gegen denselbigen just vñnd gleichförmig sein  
befunden/ die wolte Herren Cansler vnd Rhät ehester gelegenheit  
Hochgedachtem irem Gnädigsten Fürsten vnd Herrn vnderthe-  
nigst oberantworten/ vnd würdjre Fürstliche Gnaden vnzweifs-  
senlich solche sachen vnd geschafft/ zurechter zeit/ an gebü-  
rendē orten für vnd anbringen. Actum zu Heydelberg/  
oben auff in der Cansley vnd derselben sondern Stuben/ im Jar/  
Indiction vnd Keyserlicher Mayestat Regierung/ als obstehet/  
in Persönlicher gegenwertigkeit/ obgeschribener der Ehrnhafften  
vnd Erbaren Pantaleon Botschen Notarij/ vnd Thoman Eck-  
harts Schreibers von Schlaackenwald/ als Gezeugē hierzu / sons  
derlichen erfordert vnd gebetten.

**W**eil nun ich Leonhart Seis von Günsenhäusen/ an der  
 Almon Eystetter Bisthums/ vnnnd inn Marggräuis  
 scher/ Brandenburgischen Herrschafft gelegte auß Key  
 serlicher macht vnd Obigkeit offener/ vnnnd an dero Mayestat/  
 vnnnd des heyligen Reichs Hochlöblichem Cammergerichte zu  
 Speyr Immatriculiert vnnnd bewerter Notarius/ Burger vnnnd  
 Ebergerischschreiber d' Statt Straßburg bey obgemelte Insinu  
 ationibus vnnnd verkündigungen/ auch allen anderen obgeschri  
 benen/ vnnnd darbey sūrgangenen handlungen / mit sampt den ob  
 vnnnd mehr besagten Bezeugen gegenwertig gewesen/ die also inn  
 eygner Person gesehen/ angehoret vnnnd selbst verrichtet/ So hab  
 ich darumb dieses Instrument inn solche offene form dirigiert/  
 durch einen vertrawten / anderer mir obligender Amptgeschafft  
 halben getrewlich Ingrossieret/ aber mit eygnen handen namen/  
 vnd gewonlichem Notariat Signet/ vnderscriben vñ bezeich  
 net/ zu vrkunde vnd warem glauben aller vorgeschri  
 bener sachen/ hierzu von Amptswegen/ mit  
 sondern Gnaden vnd fleiß re  
 quirieret, gebetten  
 vnd ermah  
 net.



**Copia** eines Keyserlichen Mandati / so  
wider die vier Euangelische Religions verwandte  
Capitulares Hoher Stifft Straßburg / die Graffen vnd Herrn  
von Witzenstein / Solms / Winnenberg vnd Mansfeld / sub. & obreptitiè  
ausbracht / daruon gedachte vier Graffen vnd Herrn an die Römische  
Keyserliche Mayestat *ad eandem melius informandam* an  
Churfürsten / Fürsten vnnnd gesambte  
Stände des Reichs Ap-  
pelliret / zc.



**W**IR Rudolff der ander von Gots  
tes Gnaden erwölter Römischer Keyser / zu  
allen zeiten / mehrer des Reichs / inn Germa-  
nien / zu Hungern / Böhheim / Dalmatien /  
Croatie / Sclauonien / zc. König Erzhertzog  
zu Oesterreich / Hertzog zu Burgundi /  
Steir / Kerndten / Creim / vnd Württemberg /  
Graff zu Tyrol / enbieten N. allen Burgermeistern / Richtern /  
Böge / Schultheissen vnd gemeintē / in sonderheit allen vñ jeden /  
dem hohe Thumbstifft zu Straßburg / angehörigen Ampelcutē /  
Dienern / Vnderthonen / Zins vnd Pföchtleuten / was Würden /  
Standt vnd wesens / oder welchen Diten vñ Enden dieselbē gefes-  
sen / vnd wonhafft seyen / in Stätten vnd auff dem Land / vnd sons-  
ten inns gemein meniglichen / der mit diesem vnserm Keyserliche  
Brieff ersucht würe / vnser Gnad vnd alles guts / vñ darneben zu  
wissen / demnach nun mehr niemands verborgen / was massen sich  
vnlengest etliche vnrhüwige Excommunicierte Personen im  
Hohen Thumbstifft zu Straßburg / als Graff Georg zu Wittis-  
genstein / Herman Adolff Graff zu Solms / vnd Hans Freyher  
zu Winnenberg / sampt auch in ihrer Gesellschaft / Graff Ernst  
zu Mansfeld / wider des Stiffts geschworne Statuta / vnnnd ihr

58  
selbst geleiste Eyd vnd Pflcht/freuentlich vnderstande/den Bru  
derhof in der Statt Straßburg einzunehmen/vnd darinnen mit  
verkauffung des Stiffis vorhat vnd Früchten/ihres selbst gefal  
lens/zu haufen vund zuhandlen/ das vns vber das jeko glaublich  
fürkönnen/ wie jetzt ermelte Personen/ an solcher vngedür/nich  
erfettiget/sondern sich noch ferner vermässenlich vnderstehn sol  
len/ sich je vor vnerhörter weiß für Statthalter des Decanats/  
vnd des Capitel des Hohen Stiffes Straßburg aufzugeben zu  
schreiben/vnd vnder solchem angemasten erdichteten Tittel vund  
namen/ vermeinte Decreta/ Ordnungē vnd befehl außgehn/ zu  
lassen/ darinn sie ihre vorgesezte Ordenliche Geystliche Obrige  
keit/Bischoff/Prelaten/vnd Recht Capitul schmälich andasten/  
vund das vermeint Capitul nennen/ die Diener/ Vnderthanen  
vnd Psächtleut von ihrem gehorsam abmahnen/ vnd vermittelst  
allerley betrawungen/vnd straff ihnen bey zupflchten/ vund mit  
lieferung des Stiffes gefellen/vnd einkommen zu Respondieren/  
vund gewertig zu sein/zu bewegen vund zuzwingen vnderstehen/  
sintemahl dann solches jekermelter vnrhätwigen/ vnd widerseztli  
chen Personen/vermeffen eygenthätlich fürnehmen/nicht allein  
obangeregten Statutis der Kirchen/ vund ihren selbst Eyd vund  
Pflchten/sondern auch allen Rechte/so wol vnseren/vnd des heyl  
ligen Reichs heylsamen Constitutionibus, des hochbetwreten  
Religion/vnd Politischen Fridens/genzlich vund gestrackt zu wi  
der/ neben dem auch im heyligen Reich zuvernemen ganz är  
gerlich/vnd darumben keinswegs gut zuheissen/noch zu gedulden  
ist. Derowegen so beuehlen wir euch allen/ vund einem jeden inn  
sonderheit/hiemit von Röm. Key. Macht/ ernstlich gebietend/  
vnd wöllend/das ihr vordemelte vnrhätwige Excommunicierte  
vnd priuirte Personen/für des Decanats Statthalter vnd Ca  
pitul (wie sie sich vermeintlich dargebē) keinswegs erkennen/ noch  
ihnen inn berhürter ihrer vngedür/einigen beyfall thut/ noch ge  
horsam leisten/vielweniger mit Reichung der Järlichen Zinnß/  
Früchten/Gesfall vnd Diensten Respondiert/sondern der selbigen  
gemeins

51  
gemeinschafft/ auch aller dings entschlahet/ vnnnd nachmals dem  
alten Ordenlichen Capitul/ an Orten vnd Enden / dahin ihr des  
bescheiden werdet / mit dem allem gewertig seiet / dem selben al-  
len pflichtigen gehorsam/ wie trewen Dienern / vnnnd Vndertho-  
nen gebüret/ erzeiget/ vnd euch der Widerwertigen vermeinte fürs-  
geben vnnnd beselch / daran mit nichten irren/ noch abführen lassen.  
Daran handelt jr/ was euch Ehren vnd Pflichte halben gepüret/  
vnd darneben vnsern endlichen beselch vnnnd willen / Geben auff  
vnserm Königliche Schloß zu Prag/ den Eylfften Julij / Anno  
im fünff vnd achtzigsten/ vnserer Reiche des Römischen im zehenden  
des Hungerischen im drey zehenden / vnnnd des Böhemischen  
auch im zehenden/

Rudolff.

B. S. Vieheuser. D.

Ad Mandatum sacræ  
Cæsareæ; Maiestatis proprium.

And. Erstenberger.



**Verantwortung vnd entschuldigungs  
schreiben / an die Römische Keyserliche / auch  
zu Hungern vnd Böhheim / Königliche Mayestat.**

**Zim namen der vier Euangelischen Religions ver  
wandten / Capitularhern Hoher Stiffe Strassburg / Witgen  
stein / Solms / Winnenberg vnd Manhsfeld abgangen / de dato  
den dritten Octobris / r. c. Stylo antiquo. 1585.**



**M**ächtigster / Groß  
mächtigster / Vnüberwündtlichster Röm  
scher Keyser / Ewer Röm. Key. May. seyen  
vnserer Vnderthenigste / Gehorsambste dienst  
jederzeit zuuor / Allergnädigster Herr.

Wiewoln vns länger dann vor einem  
Jar / von dem Herrn Bischoffen zu Strass  
burg / seinen beiden Brüdern / vund etlich wenig andern vnsern  
Mitcapitularen / dieses hohen Stiffis Strassburg allerhand be  
schwerliche eintrags begegnet / in dem sie erstlich vns drey / Geor  
ge von Sein / Graffen zu Witgenstein / Herman Adolffen Grafs  
sen zu Solms / vund Johansen Freyhern zu Winnenberg / von  
vnserer wolhergebrachten Session im Capitul / auch niessung der  
beneficien / wegen einer vermeinten Päpfflichen Censur / außzu  
schliessen / vnd damit starcke Actus der gleichen mehr zu üben / dens  
alten herkommen zu wider inn diß Stiffe einzuführen vnder stan  
den / auch ich Ernst Graffe zu Manhsfeld / r. c. als auch der Aug  
spurgischen Confession zugethan / gewissen vnnnd nachfolgender  
Consequens halbe von ermelten meinen freundliche lieben Vets  
tern mich nicht absöndern / noch des andern theils vnbillichs für  
nehmen zu approbieren gewist. Dahero dann wir wol vrsach ge  
habt E. Röm. Key. May. gleich anfangs hiey vnder aller vnder  
thenigst anzulangen.

So

53

So haben wir doch E. Röm. Key. May. damahlen Aller-  
vnderthenigst verschonen/ vñ dieselbe nicht bemühen wollen/ vmb  
des willen / das wir verhoffe / es solten vnserer Gegentheil auff die  
von etlichen genachbarten Fürsten/ vñ eines Ersamen Rhats  
der Statt Straßburg gesuchte Gnädige vñnd wolmeinende vñ  
derhandlung sich inn der güte weisen lassen/ oder seithero selbst der  
gebür erinnert/ von irem vnzünftlichen/ vnbefügtem vorhaben selb-  
sten abgelassen/ vñd zu keiner fernern weitleuffigkeit vrsach gege-  
ben haben.

Diueil aber deren keines bei ihnen biß dahero sein wollen/  
vñnd vber das alles wir jekunder im werck spüren/ welcher gestalt  
bei E. Röm. Key. May. ermelte vnserer gegentheil vns wider die  
gebür angegeben/ auch E. Röm. Key. May. dahin bewegt ein  
ernstlich Mandat vnderm Dato den II. Julij nächsten verschinē  
aufgehn zulassen/ darinnen wir an vnsern Gräffliche / Gott lob/  
wol hergebrachten Ehren/ gans hefftig angezogen / vñd menigli-  
chen gebotten würt/ vns für keine Capitulares dises hohen Stiffis  
zu halten/ noch etwas von des Stiffis gefallen vns zureichen/ son-  
dern sich vnserer gemeinschaftt aller dings zu entschlahen.

So haben wir lenger nicht vmbgehen können noch sollen/  
zu errettung vnserer Ehren/ die einem jeden weniger nicht/ dann  
sein eigen leben/ lieb vñd angenehm sein solle E. Röm. Key. May.  
mit disem vnserm schreiben Allerunderthenigst zuersuchen/ der als  
lerunderthenigsten zuersicht / E. Röm. Key. May. als ein Mits-  
ter Keyser vñd Liebhaber der Justitien / werde nicht weniger dann  
deren Christeligster Herr Vatter vñd deren hochlöblichste Vor-  
fahren/ in diesen hochwichtigen sachen / welche vnserer Ehr/ vñnd  
aller Euangelischen Fürsten/ Graffen vñnd Herrn gerechtigkeit  
vñd Interesse bey diesem Stiff mit belangt / auch vns aller gnä-  
digste verhör verstaten / vñnd dieses vnser schreiben mit Keyserli-  
chen Gnaden von vns Allergnädigst vermercken / vñnd annehm-  
men/ auch nicht gestatten/ viel weniger darzu verhoffen sein / das

wir oder einiger anderer des heiligen Reichs Stand sub pretextu notarij seu manifesti, wie es vnser Widerige bey E. Key. May. vbel angeben/inn so hochwichtigen sachen/ welche viel des heiligen Reichs Stände/vnd deren Posteritatem belangen/one ordenlichen verhör/vnd Rechetliche erkantnuß verleumbdet vnd beschwert werde / sonder vnsern Widerigen nicht mehr glauben zustellen/dann mit ordentlicher verhör/beidertheil bewiesen/vnnd war gemacht würt.

Vnd anfänglich / als wir in obgedachtem E. Key. May. Mandato auß vermelter vnser Gegentheil angeben / für vnrhätwige Excommunicierte Personen angezogen werden / da verhoffen wir/es werde meniglichen / denen vnser Personen/auch thun vnd wesen bekandt gewesen/vnd noch ist/ vns das warhafftige zeugnuß geben könden/die wir einstheils mit nicht geringem alter beladen vnd bey nahe alle viel Jar bey disem Stiffte gewesen/ zu vnrhue nie geneigt befunden / oder im wenigsten gespürt worden/sondern jederzeit viel mehr gefallens getragen/ fried vnnd einigkeit bevorab in diesem Stiffte zu Pflangen/ vnnd zu erhalten/wie dann auch in specie diese handlung belangend meniglichen hohes vnnd nidere Standts bewußt/ das wir die Anfänger dieses handels nicht gewesen/noch auch die geringste newerung nicht gesucht/sintemahlen wir viel lieber bey vnserer Possession/ auff diesem Stiffte rhätwig verbliben weren / da wir von vnserm Gegentheil/darbey hetten wollen gelassen werden / wolten auch noch mahlen nichts liebers sehen/dann das dieser handel in der güte vnserm vilfältigen erbieten nach/hingelegt/ vnnd verglichen würde/wie dann in obangezogener gesuchter gültliche vnderhandlung der fried vñ die einigkeit an vns nicht/sondern bey vnserm Gegentheil/die einstheils von dem mehrern theil der Benachbaurte das zeugnuß haben/das sie neue spänn vnd irungen zu erwecken / sondere lust haben/entstanden vnderwunden ist / wie man sich dessen auff die damahlen Chur vnd Fürsten abgesandt/hiemit geliebter Fürst haben.

55  
Halben referirer thut/wie man dan auch zum oberflus mit den ge-  
meine Elsäffischen Landstände/für denen wir vns offtermahl zu  
gütliche vergleichung erbottē/zu beweisen/vñ habe E. Röm. Key.  
May. auch meniglichen Allernädigst vnd leichtlichen zu ermef-  
fen/was wir für nutz vnd gefallen schöpffen könden/ mit vnsern so  
nahen Blutsfreunden vnd verwandten/bei denen wir nun vil Jar  
her auff diesem vnd andern Stiffen fridlich/ vnd mit Ehren wol  
herkoffen/auch vor der zeit vnserer Religion vñ Confession halbe  
von jnen/oder andern/wie auch von E. Röm. Key. May. Herrn  
Batter hochlöblichster gedächtnus/ noch auch hie beuor von E.  
Röm. Key. May. selbstē/niemals angefochten worden/aller erst  
Jehunder/vnd zum theil in vnserm züflichē erlebten alter mit jnen  
in vnfreundschafft/zanck vñ widerwillen zukoffen vnd zugerhatē.

Das wir auch (ich Graff Ernst zu Mansfeld) von des  
Bapsts Nuncio vermeintlich Excommuniciert worden / da  
können wir leichtlich beweisen / vund darthun / mit was vnfügen  
vnd vnrechtmässiger/vnordentlicher weiß solches geschehen/ vnd  
könden wir samplich vns nachmahlen/ gedachter nichtiger Cen-  
sur keins wegs vnder werffen/ noch dem Bapst einräumen / das  
vns oder andere/ vnser Religion der Augspurgischen Confession  
zugehörne Stände vñnd Personen / solte macht vñnd gewalt ha-  
ben/zu Excommunicieren, oder zu inhabilitiren, inn betrach-  
tung/das solches mehr berührter Confession zu höchstem Präiu-  
dicio, hon vñnd verkleinerung gereichen würde / inn dem das  
solches gegen vnsern Personen / ein gar newes vñnd frembdes  
Exempel vñ seithero dem heylsamen/auffgerichtetem Religionsfri-  
den von dem Bapst niemahls vnderstandē noch gesucht worden ist.

Vnd hingegē können wir mit dises Stiffes Protocollis beschei-  
nē/dz Euangelische Graffen/wie auch ringern, Standts Geistli-  
che Personen in des Röm Bapsts Censur fällig ertheilet worden/  
vñ das aber dieselbe Censur zu keiner würcklichkeit nie köffen/son-  
dern wol Capitulariter / wider dieselbe decretirt vñ nun ober zehen

zwenzig / dreyßig / vierzig vnnnd mehr Jar nie keine Bapstliche Censur diß orts für kräftig vnd gültig zu gelassen vnnnd gehalten/ worden/also das auch noch jesigerzeit zwölff Euangelische Fürsten vnd Graffen auff diesem Suffte sein/auch derselben inn mehrern anzahl weren/wo nicht theil vnser jesigen widerigen Mitcapitularen ihrer erkantten vnnnd bekantten Religion/ abtrünnige vnnnd verfolgere nachmahlen geworden / so haben wir auch noch von den andern des heyligen Reichs Ständen nicht verstehn köndten/das sie des Bapsts Censur wider vnser Personnen Approbiren/oder inen gefallen lassen/wie dann auch E. Röm. Rey. May. sich gnädigst zu erinnern haben/was Chur: Fürsten vnd Stände Augspurgischer Confession auff vnderchiedenen Reichs versammlungen/wegen dieses puncten sich protestando erklärt.

Das aber nun oben ermeldte vnser Widerige vnderstehn/wider solch wissentlich herkommen / vnnnd rhüwigen fridlichen Stand ein anders einzuführen / vnnnd den Euangelischen Fürsten/ Graffen vñ Herren jr Recht/so sie diß orte herbracht/zuzuziehen/ in solchem auch weder gültliche noch Rechtliche handlung leiden wollen / sondern zu durchdringung solcher ihrer vngedult sub & obreptitiē E. Rey. May. Informieren / fernere vnrütrawen/des Stiffts Vnderthonen zu Glocken ziehen/ vnnnd fridbrüchiger empörung (wie dessen schriffien vorhanden) vermahnenn/inn demselben/handlen sie ja wider dieses Stiffts wolffahrt/wider dessen Statuta wider ihre pflicht vnd Eyd / wider den Religion vnnnd Politischen Friden / wider alle Erbar vnnnd billichkeit.

Darauff wann es denselben verstattet vnnnd zugelassen/vnd die ordentliche weg vmbgangen werden solten / leider zu besorgen nicht mehr Heils vnnnd fridens/dann an andern orten / da die Religion veruolgt werden wollen/nun viel Jar hero gesehen worden/eruelgen würde. Beuorab weils man ex aduerso allbereit so weit kommen/das man protestando sich erklärt/ vngerecht.

achtet/wie es biß dahero vor vnd nach dem Religion Friden allhie gehalten worden / das dannoch inn fünffzigem alle Euangelische diß orts renuncieren, oder dergleichen Proceß gewarten müßsen/auch des Bischoffen Rhat einer öffentlichen geschriben/das alle Euangelische infames, das ist/verleumbdie / Ehrlose Personen sein/die auch nicht würdig der warheit inn Rechtlichen sachen zeugnuß zugeben/welche Exception auch/wiewol die dem außgetruckten Religion Friden zuwider der Bischofflich Richter allhie zu Straßburg nicht verworffen / noch gestrafft/ sondern als ihrem fürhaben dienstlich admittirt vnd zugelassen hat.

So dann ferners Allernädigster Herz vernemen wir/zum allersehmertlichsten/auf gedachtem E. Key. May. ergänzenem Mandat/ das bey derselben wir von vnserm Gegentheill angegebẽ vnd eingebildet worden/ als ob wir wider des Stiffts geschworne Statuta/vnd vnser selbst geleistete Eyd vnd Pflichten/freuentlich vnderstanden/den Bruderhof inn der Statt Straßburg einzunehmen/vnnd darinnen mit verkauffung des Stiffts vorhat vnd Früchten/vnsers selbstien gefallens zu hausen vnnd zu handeln.

Dann wir dem Allmächtigen sey lob/vns mit nichten zu erinnern wissen / das wir vnserer geleisteten Eyd vnd Pflichten jemahls vergessen / vnnd wider des Stiffts geschworne Statuta solten gehandelt haben. Derohalben dann das vnser Gegentheill bey E. Key. May. vns dermassen verunglimpfft/ vnnd mit vngrund angegeben/haben sie vns daran gar zu viel vnd vnrecht zu gemessen.

Wir können auch zu rettung vnnd verthädigung vnserer Gräfflichen wol herbrachten Ehrs vnd Stands weniger nicht thun / dann das wir solcher bey E. Key. May. vns zugefügten höchsten Injurien/vnnd verleumbdungen halben inn bester form Protestieren / auch ihnen vnsern Widertheilen / solche atrocitas iniurias widerumb heimweisen/ so lang vnd viel biß sie vns deren

zu Recht genugsam vberzeugen / welches sie doch die zeit ihres lebens nicht werden thun können / Aller vnderthemigst bittend/ E. Key. May. wöllen vns dise vnser Proteffation/ vnd verantwor- tung/die einem jeden Ehrliebenden Mann zuthun erlaubt vnd zu gelassen ist in keinen vngnaden vermercken.

Wie getrewlich aber vnser Gegentheil des Stiffes geschwor- ne Statuta gehalten/vnd ire selbst geleiste End vñ Pflicht betrach- tet/vnd erwogen/in dem sie dem alten rhätigen herkommen zuwi- der/dise vnrhue erweckt/auch heimlicher verschlagener vñ vnuer- merckter weiß / wie sie darzu von dem Herrn Bischoffen / dessen Originalschreiben wir vorzulegen haben/angewisen wordē/ sine Decreto Capituli, das Einhorn/des Stiffes Kleinoter/ vnd als- len vorhat an gelt/auf diser Statt einführet/vnd das Stiffte spo- liert/das geben wir E. Key. May. vnd aller meniglichen zuerkenn- nen/vnd darüber zu vrtheiln / vñnd ist darneben gang frembd von Gräffliche Personen zu verneinen/das sie vnser Gegentheil bey einem Ersamen Rhat allhie vns haben beschuldige dörfen/als ob wir die ihenigen seien/so die Kleinoten hinweg geführet/ vñnd also ganz vngbürlich gehandelt hetten/da sie doch hernacher das wis- derspiel / vnd das sie selbst die Thäter seien gegen einem Ersamen Rhat allhie so mündlich / so schriftlich selbst haben bekennen müssen.

Die angezogene Einnemmung des Bruderhoffs betreffend/ da verhoffen wir ja so vil gerechtigkeit darinnen zuhaben/als vnser Widerparth/vnd haben zwar viel freundlicher vñ Brüderlicher mit ihnen gehandelt/weder sie mit vns/dann wir ihnen ihr theil an den gefallen hie beuor gutwillig reichen/vnd volgen lassen / da sie doch hingegen sich vnderstanden haben/vns allerdingß dauon auß- zuschließen.

Das wir dann etliche Früchten von des Stiffes vorhat all- hie verkaufft / daran verhoffen wir auch nit vnrecht gethon zuhat-  
ben/

ben/dann weil der Gegentheil jm den gewalt vnd gerechtigkeit an-  
gemast/allen des Stiffis vorhat angelt/biß auff einen verbotter  
nen Mönchskopff/neben den Kleinoten/vnnd dem Einhorn hinf-  
weg zuführen/so werden sie vns auch mit fugen nicht beschuldige  
fönden/das wir strafflich gehandelt/in dem wir solches zu entrich-  
tung vnserer Residenz verdienst/vñ erhaltung dises Stiffis lang-  
wirigen herkommenens haben angewendet. So haben wir vns auch  
offtermahlen dahin erkläret vnd erbotten/ das wann von jnen alle  
newerunge vnd vnruen abgeschafft vñ wir genugsam versichert/  
wir auch als dann derentwege gebürliche antwort angehörenden  
orten vnd enden geben wolten/ze.

So dann bey E. Key. May. vnserer Widersacher/ vns wei-  
ter beschuldigen/ das wir vns vermessenlich vnderstehn sollen zu  
vor vnerhörter weiß vns vor Statthalter des Dechanats/ vñ das  
Capitul dises hohen Stiffis aufzugeben/zuschreiben/ vnd vnder  
solchem angemastem erdichtem Titul vñ namen/vermeine De-  
creta/ordnungen vnd beuelch außgehn zulassen/ze. In dem legen  
sie vns abermahlen zu vil vnnd vnrecht zu/ sintemahlen vermöge  
der Statuten vnd üblichen gebrauchts jederzeit herkommen/das inn  
abwesen des Dechantis alle wegen der älter Capitular sein Statt  
vertreten vnnd mit den andern anwesenden/vnnd in loco solito  
Capituli, Residirenden Capitularen/ des Stiffis fürfallende ge-  
schäfte zu verichten/auch nach gelegenheit Decreta/ ordnungen  
vñ beuelch außgehn zulassen/macht gehabt. Diweiln sich dann  
vnser Gegentheil/von dem ordentlichen vñ gewontlich ort der Ca-  
pitulstuben für sich selbstien/vñ ohne vnser verursachen absentiert  
vnd enteuffert. So hat vns je gebüren wollen/den Statutis nach  
zugehn/den abwesenden Herren/Decanum zuvertreten/an dem  
gewontlichen ort Capitul zu halten/ vnd des Stiffis nottwendige  
geschäfte zu expedieren/auch anders zu verichten was diß fals üb-  
lich vnnd herkommen ist/da hergegen eins theil vnser gegentheil/die  
doch nie die ältesten Capitulares sein/ sich solches titulo dem her-  
kommen



Kommen zu wider an massen/ vnd nicht allein Dechanats Statthalter/ sondern auch darneben ein Capitul ( da doch offermahlen ihrer keiner nicht/ als der sich solches tituli gebrauchet/ im Stiffe anwesend) schreiben vnd nennen dorffen.

Wir halten auch darfür / das vns als die in loco solito Capituli residieren/ vnbenommen sein solte/ des Stiffs Diener Vnderthonen vnd Psöcheleut anzuhalten / des Stiffs gefäll vnd einkommen / an das ort wie von alters herkommen zulüßern vnd zuereichen / dann dieselbige an andere ort/ weder hieher bis zu außtrag dieser sachen/ ohne samptlichen beschluß eines gansen Capituls führen zu lassen / were es vns vermög vnserer Pflichten nicht zu verantworten gewesen/ vnd haben vnserer Gegentheil sich dessen desto weniger zu beschweren / dieweil wir ihnen ihren gebührenden theil auff solchẽ fall der lüßerung/ nicht vorenthalten/ sondern gutwillig volgen zulassen vrbittig sein.

Dem allem nach seind wir der Aller vnderthenigsten zuuersicht/ es werden E. Key. May. auß diesem vnserm warhafften kurzen berichte Allergnädigst vernemen/ das wir (salua tamen hüillima reuerentia vestre Cæsareæ Maiestatis) nits vermehens/ noch eigenthätlichs fürgenommen / viel weniger vnsero Stiffs löblichen Statuten/ auch Eyden vnd Pflichten/ noch auch gemeinen Rechten/ oder E. Key. May. vnd des heyligen Reichs Constitutionen/ dem Hochbedeurten Religion vnd Politischen Friden zu wider gehandelt / vnd derohalben solch vnser fürnehmen ärgerlich / vnd keines wegs gut zuheissen noch zu gedulden seie / sondern was wir gehandelt / das verhoffen wir/ da vns ordenliche verhöre vnd verantwortung gestattet / bey E. Röm. Key. May. vnd gemeinen Ständen des Reichs/ für welche wir vns jederzeit Rechens zuwerden/ vrbittig erkläret haben/ vnd noch sein/ dermassen zuwerthädigen/ vnd aufffindig zu machen / das E. Röm. Key. May. vnd gemeine Stände des Reichs vns allergnädigst genädig/ freundlich / vnd wol für entschuldigt haben vnd halten werden.

Nach

Nach dem aber Aller gnädigster Keyser vnd Herr/ das offte  
berührt E. Key. May. außgangen Mandat nun mehr vielen ho-  
hen vnnidern Standis Personen fürkommen sein mag/vnnd  
wir vns an vnsern Gräßlichen Ehren / vnnd vnsern Personen/  
daran vns zum höchsten gelegen/auch sonst in andere weg / mit  
abstrickung vnd verbietung / gehorsambs/ Zinssen vnnd Gültten/  
vnnd darzu noch entschlagung aller gemeinschafft zum höchsten  
grauiert/vnd beschwerdt befinden.

So hat vns die vnuermeidliche notturfft gezwungen/ die  
gebührende/vnd inn allen vnd jeden Rechten/erlaubie vnd zugelass-  
sene weg an die hand zunehmen/vnnd von E. Röm. Key. May.  
als von vnserm Gegentheil vbel informiert/an dieselbige besser zu  
informieren/desgleichen an gemeine Stände des heiligen Röm-  
schen Reichs zu Prouocieren/vnd vns zuberuffen/ in massen E.  
Röm. Key. May. auß hie bey gefügte vier vnderschiedlichen Pro-  
testation Instrumenten/zu vernemen/aller vnderthenigst / bit-  
tend vnnd flehend / E. Röm. Key. May. gerhuen/solche vn-  
tere notwendige Protestationes/ inn keinen vngnaden von vns zu  
vermercken / sondern als die höchste iustitia, vnd das Haupt im  
heiligen Römischen Reich vns in dero Keyserlichen/ vnd des heyl-  
ligen Reichs schutz vnd schirm/dem wir vns nachmahln Aller vn-  
derthenigst vñ gehorsambst vnderwerffen / Aller gnädigst zunem-  
men/wider vnserre Gegentheil vns zu hand haben / vnd zu ordent-  
licher verhör/vnd auftrag Rechtens/zu dem wir vns Aller vnder-  
thenigst erbiehen thun/können zulassen/ auch in mittelst/vnd bis zu  
Rechtlicher erkandtnuß / vnnderörterung der sachen/ das mehr  
angezogen/ex malis narratis her gestossen/vnd von vnserm Ge-  
gentheil per sub & obreptionem außgebracht Mandat / Aller  
gnädigst zu suspendiren/vnd einzustellen./z.

Solches alles vmb E. Key. May. mit aller vnderthenig-  
ster gehorsam zu verdienen/erkennen wir vns schuldig/wollen vns  
auch dessen/als gehorsame Graffen vnd Herrn des Reichs/jeders

zeit aller vnderthenigst befeissen. Datum Straßburg/in vnser  
rer gewonliche Capitulstuben/den dritten Octobris/Anno 1585.

E. Röm. Key. May.

Allerunderthenigste gehorsamste.

Georg von Sain Graffe zu Witgenstein/  
Herz zu Homburg/Thumbprobst zu Cölln/  
seziger zeit Dechanats Statthalter / vnd  
andere anwesende Euangelische Religion.  
verwandte Capitulares hoher Stiffe  
Straßburg.

Georg.

Hermann Adolff Graffe zu Solms/2c. zu  
Cölln/Würzburg vñ Straßburg Thumb-  
herr.

Johann Freyherr zu Winnenberg vnd Beythe-  
stein/Thumbherr zu Cölln/Trier vnd Straßburg.

Kunst Graff vnd Herz zu Mansfeld/zu Cölln vnd  
Straßburg Thumbherr/2c.

# INSCRIPTIO.

Dem Allerdurchleuchtigsten / Großmächtig-  
sten / Unüberwändelichsten Fürsten vñnd Herren /  
Herrn Rudolphen / dem andern / erwölten Römis-  
schen Keyser / zu allen zeiten Mehrern des Reichs /  
auch in Germanien / zu Hungern / Böhheim / Dal-  
matien / Croatien vñnd Sclauonien Königen / ꝛ.  
Erzhertzogen zu Desterreich / Hertzogen zu Bur-  
gundi / Steur / Kernden / Graim vñ Württemberg /  
Graffen zu Tyrol / ꝛ. Unserm Allergnädigstem  
Herrn. ꝛ.

Zu ihrer Key: May:  
selbst handen.

1527563

och 902598159

1527563

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.